

摘藻堂四庫全書薈要

子部

欽定四庫全書薈要卷一萬一千七百七十一

子部

御定淵鑑類函卷三百二十三

方術部二

卜筮 明天文 占候
巫 相術

卜筮一

增說文曰卜灼龜也象兆之縱橫也筮易卦用著也

易曰以卜筮者尚其占 又曰幽贊于神明而生著

原書曰官占唯先蔽志昆命於元龜 又曰立卜筮人

增又曰卜不習吉 又曰龜筮共違於人用靜吉用

作凶 又曰寧王遺我大寶龜 原詩曰卜云其吉終

焉允臧 增又曰爾卜爾筮體無咎言 又曰卜筮偕

止 原禮記曰龜為卜筮為筮 又曰卜人定龜史定

墨君定體 又曰天子無筮 謂巡狩征伐不用筮小事則筮 諸侯有守

筮天子道以筮諸侯非其國不筮卜宅寢室天子不卜

處太廟 又曰昔三代明王皆事天地之神明無非卜

筮之用不敢以其私褻事上帝是故不犯日月不違卜

筮 又曰卜筮者先聖王之所以使人信時日敬鬼神

畏法令決嫌疑定猶與也 周易曰定天下之吉凶成

天下之亶亶者莫大乎蓍龜 又曰蓍之德圓而神卦

之德方以知神以知來知以藏往 增曲禮曰假爾太

龜有常假爾太筮有常卜筮不過三卜筮不相襲

卜不吉則

筮筮不吉又卜是為瀆筮龜也

原周禮曰凡卜筮兆占體大夫占色

史占墨卜人占坼

體有吉凶色有善惡墨有大小坼有微明

又曰龜人掌

六龜之屬各有名物天龜曰靈屬地龜曰繹屬東龜曰

果屬西龜曰雷屬南龜曰獵屬北龜曰若屬 又曰卜

師掌開龜之四兆一曰方兆二曰功兆三曰義兆四曰

弓兆

開開出其書占之也經兆一百二十體言四兆者分為四部若易之三篇

凡卜事視高

揚火以作龜致其墨

視高謂以龜骨高者可灼處示宗伯之卜事也揚火以火灼龜也作

即灼也謂人作兆而占之也致墨謂熟灼之以明其兆也

又曰筮人掌三易以辨

九筮之名一曰連山二曰歸藏三曰周易九筮之名一

曰巫更二曰巫咸三曰巫式四曰巫目五曰巫易六曰

巫比七曰巫祠八曰巫參九曰巫環以辨吉凶凡國之

大事先筮而後卜

巫皆讀為筮字之誤也更為遷都邑也

尚書洪範五

行傳曰若煩數溷瀆或不精嚴神不告也或觀卦察兆
占不得也或龜不神著不靈此其所以過差聖人不得
專用也龜筮共違於人神靈不祐也 又曰此禽獸草

木之壽久而能知吉凶也 增書曰乃命卜筮曰雨曰

霽曰蒙曰驛曰克

皆卜兆

曰貞曰悔

筮內卦曰貞
外卦曰悔

又曰

三人占則從二人之言汝則有大疑謀及卜筮龜從筮
從是之謂大同吉 左傳云國之守龜何事不卜 原

白虎通曰乾草槁骨衆多獨以著龜何龜之言久也著

之言者也 史記云卜者以法天地象四時順於仁義

分策定卦旋式正碁而後言天地利害事之成敗昔先
王定國必先龜策日月而乃敢代正時日乃後入家產
子必先占吉凶後乃育之伏羲作八卦周文王演為三
百八十四爻而天下治句踐放文王八卦以破敵國霸
天下 增楚辭云折瓊茅以筵筭兮命靈氛為余占之
劉夢得集云今夫揲之以至剋灼之以殆盡徒與夫
蚩蚩者問歉穰占熊虺頌需食亡牛喪羊之間耳資其

握粟以餬余口烏足為夫子道哉 陸龜蒙云季札以
樂卜趙孟以詩卜襄仲歸父以言卜子游子夏以威儀
卜沈尹氏以政卜孔成子以禮卜其應也如響無他圖
在精誠而已不精誠者不能自卜況吉凶在人乎 北
戶錄云卜之流雜見書傳虎卜紫姑卜牛蹄卜灼骨卜
烏卜雖不比於著龜亦有可稱者

卜筮二

原古史考云庖犧氏作始有筮其後殷時巫咸善筮

增禹穴碑曰伏羲得神蓍而定皇策 原元命苞曰古

司怪主卜 左傳云邾文公卜遷於繹史曰利於民而

不利於君也邾子曰苟利於民孤之利也天生民而樹
之君以利之也民既利矣孤必與焉 增又鄭皇耳帥

師侵衛楚令也孫文子卜追之獻兆於定姜姜氏問繇
曰兆如山陵有夫出征而喪其雄姜氏曰征者喪雄禦
寇之利也大夫圖之孫蒯獲鄭皇耳於犬丘 增穆天
子傳曰天子筮獵萃澤其卦遇訟逢公占之曰藪澤蒼

蒼其宜正公戎事則從 論衡云魯將伐越筮之得鼎

折足子貢占之以為凶何則鼎而折足行用足故謂之凶孔子占之以為吉曰越人水居行用舟不用足故謂之吉魯伐越果克之 孔演圖云孔子修春秋九月而

成卜之得陽豫之卦 史記云太史公曰臣為郎時嘗

與太卜

筮官名

待詔為郎者同署言曰孝武帝時聚會占

家問之某日可娶婦乎五行家曰可堪輿家曰不可建

除家曰大吉叢辰家曰大凶厯家曰小凶天文家曰小

吉太乙家曰大吉辨訟不決以狀聞制曰避諸死忌以
五行爲主人取於五行者也 漢書云張禹字子文父

徙家蓮勺禹爲兒數隨家至市喜觀於卜相者前久頗
曉其別著布卦意時從旁言卜者愛之又奇其面貌謂
禹父是兒多智可令學經及禹入長安從沛郡施讎受
易 又宣帝八月飲酎行祠孝昭廟先驅旄頭劒挺隨
拂泥中刃向乘輿車馬驚於是召梁丘賀筮之不吉上
還使有司行祠是時霍氏外孫代郡太守任宣坐謀反

誅子章為公車丞亡在渭城中夜立服入廟居廊間執戟入廟門待上至欲為逆事發伏誅 吳志云陸抗之克步闡孫皓意張乃使尚廣筮并天下遇同人之頤對曰吉庚子歲青蓋當入洛陽故皓不修其政乃常有窺上國之志 晉書云庾翼幼時嘗令郭璞筮公家及身卦成曰立始之末丘山傾長順之初子凋零及康帝即位將改元為建元或謂庾冰曰子忘郭生之言耶立始建元也丘山上名此號不宜用冰撫心歎恨帝崩何克

改元為永和庾翼曰天道精微乃當如是長順者永和也吾庸得免乎其年翼卒又宣城邊洪以四月中就韓友卜家中安否友曰卿家有兵殃其禍甚重可伐七十束柴積於庾地至七月丁酉放火燒之咎可消也不爾其凶難言洪即聚柴至日大風不敢放火洪後為廣陽領校遭母喪歸家友來投之時日已暮告從者速束裝吾當夜去從者曰今日已暝數十里何急復去友曰非汝所知也此間血覆地寧可復住洪苦留之不待食

而去其夜洪忽發狂絞殺兩子并殺婦又斫父妾二人
皆被創因出亡走明日其友往收殮亡者尋索洪數日
於宅前林中已自經死 又宣城太守殷祐疾友為筮
之曰七月晦日將有鸛鳥來集廳事上宜勤伺取若獲
者為善不獲者成禍祐乃謹為其備至日果有大鸛來
垂尾九尺集廳事上掩捕得祐仍遷石頭督護後為吳
郡守友卜占神效甚多而消殃轉禍無不皆驗 搜神
後記郭璞每自為卦知其凶終嘗行建康柵塘逢一趨

步少年便牽住脫絲布袍與之其人乃受及當死果此
人行刑旁人皆為求屬璞曰我託之久矣此人為之獻
欬哽咽 宋書云劉休善筮因尚方令吳喜事明帝遂
見親賞長直殿內後宮孕者帝使筮其男女無不如占
又蔡興宗初為郢府參軍顏敬卜曰亥年當作好官
有大字者不宜受也及有開府之授而太歲在亥果薨
於光祿大夫 齊書云王敬則少時於草中射獵有蟲
如烏豆集其身摘去乃脫其處皆流血敬則惡之詣道

士卜道士曰此封侯瑞也敬則聞之喜故出都自効

又柳世隆善卜別龜甲價至萬永明初世隆曰永明九

年我亡後三年丘山崩齊亦於此季矣屏人命典籤李

黨取筆及高齒履題簾箔旌曰永明十一年因流涕謂

黨曰汝當見吾不見也南史云梁大同中同泰寺災

召太史令虞履筮之遇坤之履曰無害其繫曰西南得

朋東北喪朋安貞吉彖曰東北喪朋乃終有慶帝曰斯

魔也酉應見卯金來尅木卯為陰賊鬼而帶賊非魔何

也 梁書云阮孝緒自筮卦曰吾壽與劉著作同年及

劉著作卒孝緒曰劉侯逝矣吾其幾何其年十月卒

舊唐書云明皇兼潞州別駕來朝京師將行使術士韓
禮筮之著一莖孑然獨立禮驚曰著立奇瑞非常不可
言 酉陽雜俎云天寶末術士錢知微嘗至洛遂榜天
津橋柱賣卜一卦帛十疋有貴公子讀榜命取帛如數
卜焉錢命著布卦曰予筮可期一生君何戲為其人曰
卜事甚切先生豈誤乎錢曰請為韻語曰兩頭點土中

心虛懸人足踏跋不肯下錢其人本意買天津橋也其

精如此 搜神秘覽云西川費孝先善軌革世皆知名

有大賈人王旻因貨殖至成都求為卦孝先曰教住莫
住教洗莫洗一石穀搗得三斗米遇明即活遇暗即死
再三戒之令誦此數言足矣旻志之及行途中遇大雨
憩一屋下路人盈塞乃思曰教住莫住得非此耶遂冒
雨行未幾屋顛覆獨得免旻之妻已私鄰比欲講終身
之好俟旋歸將致毒謀旻既至妻約其私人曰今日新

沐者乃夫也日欲晡呼旻洗沐重易巾櫛旻悟曰教洗莫洗得非此耶堅不從婦怒不省自沐夜半反被害既覺驚呼鄰里共視皆莫測其由遂被囚繫拷訊獄就不能自辨郡守錄狀旻泣言死即死矣但孝先所言終無驗耳左右以是語上達郡守守命未得行法呼旻問曰汝鄰比何人也曰康七遂遣人捕之殺汝妻者必此人也已而果然因謂僚佐曰一石穀搗得三斗米非康七乎由是辨雪誠遇明即活之効

卜筮三

原握粟

操金

毛詩云哀我填寡宜岸宜獄握粟出卜自何能穀鄭玄注謂可哀哉此窮盡寡

財之民仍有訟獄之事持粟行卜求其勝負從何能得善

下詳卜筮二

三兆

六龜

禮周

大卜掌三兆之法一曰玉兆二曰瓦兆三曰原兆兆謂灼龜發火而形可占其象似玉瓦原之象杜子春注曰玉兆顛頊兆瓦兆帝堯兆原

供燹

揚火

周禮董氏掌供燹契

以待卜事杜子春注云燹讀如薪樵之樵謂所熟灼龜之木

下詳叙事

神諭

象告

陳琳

大荒賦曰假龜著以貞吉問神諭以休祥易大傳曰八卦以象告韓康伯注云八卦以象告人吉凶也

大橫

小數

史記云高后崩丞相陳平等使人迎代王計未定遂卜之其兆得大橫云大橫庚庚

余為天王夏啟以光
抱朴子云

龜厭 筮瀆

毛詩曰我

龜既厭不我告猷鄭玄注謂卜筮數而瀆龜龜靈厭之不復告其所圖之吉凶也言雖得兆繇不中也
易曰

初筮告再三瀆瀆則不告

穆卜

枚占

尚書曰武王有疾不豫二公云我其為王穆卜歸

藏云昔者河伯筮與洛戰而枚占昆吾占之以為不吉也

孔愀

顏笑

家語云孔子嘗自筮

而卦得賁愀然有不平之狀子張進曰賁是吉卦夫子色有不平何也孔子曰山下有火賁非正色也
衝波

傳曰孔子使子貢遠行而未來謂弟子占之遇鼎皆言無下足不來顏子笑曰無足者乘船而來賜至矣子貢

果代陳獲晉
左傳云陳厲公生敬仲周內史筮之遇觀之否曰是謂觀國之光利用賓

於王其代陳有國乎
又秦伯伐晉卜徒父筮之吉涉河侯車敗詰之對曰乃大吉也三敗必獲晉君果如其

言

增炙骨

觀蹄

燕北雜記契丹行軍不擇日用艾和馬糞於白羊琵琶骨上炙炙破

便出不破即不出

遼東志扶餘國有軍事則祭天殺牛觀蹄以占解者為凶合者為吉

書版

隋梁

上詳卜筮四

唐袁天罡占卦能知前後五百年事其妻謂曰汝占後世子孫榮枯若何罡占之至

十世孫某極貧妻曰有救助否罡又占得本府太守於某年月日時有隋梁之厄即寫一書以朱匣盛之封鎖置家廟中匣外留字以示子孫傳流不得擅動付與第十世孫某於某年月日時將此匣送本府太守令伊起身下堂親受後至十世孫果極貧思祖言於某年月日時將匣送府堂階下令太守起身自接方下階堂上梁朽隋下公座打碎開匣視之有一帖云爾救我十世孫之貧我救爾隋梁之厄太守俯伏拜謝薦其孫遂入仕

原法天地

敬鬼神

俱詳卜筮一

齊小大

差尊卑

易曰

齊小大者存乎卦韓康伯注云卦有小大也齊猶言辨也周禮圖云大夫已上事卜且筮士則但筮其尊卑之差

增木破天

柳仆地

王敦謀反夢將一木上穿破天詣許真君卜之卜曰此是

未字君未可動耳

唐柳宗元自永州司馬召至京師

詣卜者問曰余柳姓也昨夢柳樹仆地其不祥乎卜者

曰生則柳樹仆則柳木木者牧也君其必牧柳州乎卒如其言

原筮短龜長

陽奇

陰耦

左傳云晉獻公欲以驪姬為夫人卜之不吉筮之吉公曰從筮卜人曰筮短龜長不如從長易曰

陽卦多陰陰卦多陽其故何也陽卦奇陰卦耦

卜筮四

原卜師

卜正

周禮凡卜以明火熬燂遂餼其煖契以授卜師滕侯曰我周之卜正正官之

長也

卜人

占人

儀禮卜人奠龜楚煇注楚荆也煇以鑽灼龜也

周禮占人掌占龜以八

筮占八頌以八卦占筮之八故以眡吉凶

官占

涖卜

帝王立卜占之官故曰官占儀禮

旅占卒不釋龜告於涖卜注旅長與主人占涖臨也謂卜官相示也

稽疑

觀變

洪範曰明

用稽疑注明用卜筮考疑事也

象數

經兆

龜象也筮數也

周禮經兆之體百有二十頌千有二百

幽贊

前知

易曰幽贊於神明而生蓍禮至誠

之道可以前知見乎蓍龜動乎四體禍福將至必先知之故至誠如神四體謂龜四足也言至誠則不欺

決疑

斷志

傳闕廉云卜以決疑不疑何卜禮曰昔者聖人建陰陽天地之情立以為易雖有

明智之心進斷其志焉

命辭

啟繇

禮假爾泰龜有常注命卜策辭鑽龜以啟其繇也

繇古

音父

繇龜

露著

月令正月命有司繇龜策古兆審卦吉凶漢書上體不安張禹必

齋戒以卜吉則獻上不吉則有憂色即露著於星下

神蔡

靈著

蔡即龜也

神物

封父

天生神物謂著龜也天子之龜注封父國之龜天

藏龜

舍龜

藏龜之室

易舍

青純

青囊

公羊傳云龜青純純緣也謂甲髯千歲龜青髯以明吉凶青

囊謂

命龜

觀卦

命謂告以所卜事觀卦察爻

協從

襲吉

尚書

曰龜筮協從

又曰

置焦

繫幣

儀禮云置於焦注焦炬以然火周

卜不襲吉注襲再也

禮占人凡卜筮既事則繫幣以比其命歲終則計其占

之中否注云既卜筮史書其命龜之事及兆於策繫其

禮神之幣而舍藏焉所謂

爰契

不欺

詩爰契我龜臧會曰僂

以啟金縢之書即此是也

句不余欺也

枚卜

不占

書枚卜功臣謂歷卜也孔子曰不占而已矣

占險

卜僭

夫易不可以占險傳臧會竊僂句以卜為信與僭注僭即吉也

不煩

不

襲

傳聖人不煩卜筮三又卜筮不相襲謂其蹟龜著也

無遺

不禁

莊子

龜能七十二鑽而無遺策不能避剗腸之患祠部式諸私家不得立雜神及覘巫卜相竝宜禁斷其龜易五

兆六壬

沈陽

流光

趙孟卜救鄭遇水適火太史曰是謂沈陽注云火陽也得水而

沈魏志王經堂前有一流光如燕雀入懷殷殷有聲管輅曰吉遷之徵頃之拜為江夏太守

龜焦

筮逆

左傳趙鞅卜焦兆不成也書龜從筮逆

奪糈

罰爵

周禮罰也傳晉獻

公飲大夫酒命司正實爵與史蘇曰驪之役爾云勝而不吉夫克國得妃吉孰大焉故以罰汝

兆錫

帝師卦遇歸妹

史記周文王卜獵渭濱其兆曰非熊非羆天錫帝師乃得呂望而歸 晉

獻公筮嫁伯姬遇歸妹之睽史蘇占之曰不吉繇曰士刲羊無血女承筐亦無貺也

仕晉必昌

納姬不吉

傳畢萬筮仕於晉辛廖占之曰吉其必蕃昌公侯之子孫必復其始又晉獻公欲

納驪姬卜之不吉卜人云其繇曰專之渝攘公之瑜一薰一蕕十年尚猶有臭公不從卜

斫狐絕

火追豚得婦

管輅別傳輅在田舍遠鄰主人數患失火輅卜曰明日南陌上有一角巾生駕

黑牛蔽車必邀留之即從輅言生不得已宿然意不安以為圖己乃把刀出門倚積薪假寐有一物如獸手中持火生舉刀斫斷腰視之狐也自此主人不復有災有人失妻輅卜之令明旦於東陽城門候擔豚人牽與共闖其豚走逸即共追之豚入舍突破主人甕其婦從甕中出

索金筮卦得錢閉

肆

晉隗昭善易臨終謂妻子曰後雖大荒勿賣宅後五年詔使姓龔負我金以吾所書版索之後如其言妻

齋

版詣使者使者惘然沉吟乃悟取著筮卦成曰妙哉

隗

生吾不負金賢夫藏金金有五百觔在堂屋下妻掘

之

果得金

漢書嚴君平賣卜於成都日得杖頭百錢即閉肆垂簾

著瓦還鹿

懸

鞭得財

管輅別傳有捕鹿者晨行人盜其鹿輅卜曰汝巷中第三家也伺無人時密發其東第七椽以

瓦子著下當送還如其言其夜盜者父病詣輅卜令擔

鹿皮肉著故處自愈盜如其言乃令鹿主舉椽去瓦盜

父亦病愈也

鮑瑗貧苦不信卜筮會淳于智至為作

一卦曰君安宅

失宜故貧入市有人持馬鞭賣買之以

懸舍東大桑樹三年當暴得財如其言

可知生死自有

其言後浚井得錢十萬銅二千觔

性命

魏志管輅謂鍾昱曰我卜可以知生死昱曰命付天不付君郭璞欲為顏含筮含曰年在天位在

人修己而天不與命也守道而不違性也自有性命無勞著龜

受命如響 極數知

來

又曰極數知來之謂占

卜非卑行 業可使人司馬

季主楚人賣卜於長安市宋忠賈誼謂之曰何居之卑行之污季主捧腹而大笑君平以卜筮賤業可以便

衆人有非正用之則依著龜為言利害又與人子言依於孝與人弟言依於順與人臣言依於忠各因勢導之

以善 觀久自曉 占驗見知 卜上詳卜筮二王忠以賣

占驗見知懸 綬縣庭而逃 當見三狸 行有一人 辟冀州刺史裴徽管輅為文學

自卦吉凶云當見三狸果見之步熊字叔羆少好筮卜術數門徒甚盛熊舍側有人燒死吏持熊謂失火熊

卜曰得其人矣使從道南行有一人來縛之果言草惡難耕故燒之風起延燒不知草中有人 滅應

淮水

凶見臨晉

王導初渡江郭璞筮之云淮水絕王氏滅孔僖字仲和拜臨晉令崔駟

字亭伯以其家林筮之謂曰不吉勸辭辟官僖曰吉凶由已而由卜乎在縣三年而卒

疑衆必

殺 違卜不祥 疑而筮之

深於易者

以上出禮

窮神

知化 知來藏往 探賾索隱

鈞深致遠

以上出易

增

折筮獲奴

唐書云杜生善卜易有亡奴者問所從追曰自北行逢使者懇丐其鞭若不可則以情告

其人果值使者如其語使者曰去鞭吾無以進馬可折道旁芟代之其人乃往折芟奴伏其下獲之

馬

周得晉 李綱得鼎

唐馬周欲求仕將進策於帝狐疑未決卜得火地晉解者曰晉者進

也蓋居官益位利見王侯之象周竟獻策拜為上相李綱在隋仕宦不進筮之得鼎卜者曰君當為卿輔然

待易姓乃得如志若仕不知退折足為敗故網後雖顯於唐數稱疾終辭位去

預定狀頭

連遇宰相

續定命錄云唐太原王陟貞元初應進士舉時京師有善筮者號垣下生陟從筮焉生卦

成久不復言又大嗟異謂陟曰據此卦卽君後二十三年及第是歲狀頭更兩年而生卽君待此人應舉然後同年及第某所以訝之後果舉不第比張弘靖舍人知舉陟及第榜出復於禮部南院序列參主司各通姓名見首立者乃韋瓘也陟忽憶垣下生之言試問其年韋答云某春秋十九年陟遽應之曰先輩所隱祇二年何不誠如是且先輩貞元四年生瓘矍然陟乃取垣下生所記示於衆衆皆嗟異宋范蜀公蒙求曰張鄧公嘗謂予曰某舉進士時與寇萊公遊相國寺詣一卜肆卜者曰二人皆宰相也旣出逢張相齊賢王相隨復往詣之卜者大驚曰一日之內而有四宰相四人相顧一笑而退因是卜者日損名亦不復有人問之卒窮餓以死

而四人者其後皆為宰相公欲為之作傳未果

天火之象

錢塘醉卧

五代史云

晉高祖欲代唐命馬重績筮之遇同人曰天火之象乾健而離明健者君之德也明者南面而嚮之所以治天下也同人者人所同也必有同我者焉易曰戰乎乾乾西北也又曰相見乎離離南方也戰而勝其九月十月之交乎是歲九月契丹遂助晉擊敗唐軍晉遂有天下翰苑名談云何中正初及第聞郭從周精於卜乃求之占從周贈詩云三字來時月正圓一麾從此去秦關錢塘春色濃如酒貪醉花間卧不還後以八月十五日

改知制誥出為秦州又改杭州卒於錢塘

原兩蛇當為將

三怪無足憂

後漢馮緄拜隴西太守綬笥有兩赤蛇分走許曼筮曰三歲當為邊將有名果五年為大將南征魏志安定太守王基令管輅作卦輅曰當有婦人生一男隨地而走入竈宗無忌妖也又見蛇銜筆乃老書佐也又鳥來

入室與燕闔是老鈴下耳官
舍久遠有此三怪無足憂也

堂西死男子 丘中懸

牛頭

魏志信都令家驚恐輅筮曰君堂西有兩死男子
一持矛一持弓箭矛者主刺頭痛弓箭者射胸腹

故心痛果得之疾者遂愈 又嘗為鄰婦卜失牛云當
在西面窮丘中懸頭向上果於丘中得牛婦人反告官

以輅藏牛

按驗方知

懿氏卜妻敬仲 崔杼筮娶棠姜
傳其妻

鳳凰於飛和鳴鏘鏘有媯之後將育
於姜 筮曰入於其宮不見其妻凶

龜象 狐疑

光啟兩儀 能成四象 索隱致遠 通幽洞微 達

以陰陽 究其天地 合於無際 應以未形 開於

冥數 得自天元 占而從二 卜不過三 存險易

之徵 示臧否之兆 射覆知白鼠之傷 布兆見豎
牛之禍 龜開四兆卜師攸掌 策分三易筮人是司
青蓮神蔡彰往察來 翠野靈著通幽索隱 考先
知之兆誠可決疑 揆昆命之文必先蔽志 觀兆於
未萌誠為智者 退咎於既往何其壯哉 行於冠婚
明男女之分 用於祭祀定犧牲之名 龜文既踐知
李固之將封 鳳凰於飛識陳完之必貴

卜筮五

增詩宋陸游箕卜詩曰孟春百草靈古俗迎紫姑廚中
取竹箕冒以婦裙襦豎子夾扶持插筆祝其書俄若有
物憑對會不須臾豈必考中否一笑聊相娛詩章亦間
作酒食隨所須興闌忽辭去誰能執其祛持箕畀竈婢
棄筆卧牆隅几席亦已徹狼籍果與蔬紛紛竟何益人
鬼均一愚

原論晉庾闡著龜論曰夫物生而後有象有象而後有
數有數而後吉凶存焉著者尋數之主非神明之所存

龜者啟兆之質非靈照之所生何以明之夫求物於閭
室夜鑑者得之無夜鑑之朗又以火得之得之功同也
致功之迹異也不可見目因火鑑便謂火為目神憑著
通又謂著為神也由此言之神明之道則大賢之閭室
著龜之用豈非顏子之龍燭耶著龜之運亦所以感興
卦兆求通逆數又非爻象之體擬議之極者也安得超
登仙而含靈獨備哉且殊方之卜或責象草木或取類
瓦石而吉凶之應不異著龜此為神通之主自有妙會

不由形器尋理之器或因他方不繫著龜然經有天生神物不載圓神之說言者所由也直稱神之美以及其迹亦猶筌雖得魚筌非魚也蹄雖得兔蹄非兔也是以象以求妙妙得則象忘著以求神神窮則著廢 增唐于邵著龜論曰卜筮生靈之緼耶必遵以信時日畏法令決嫌疑定猶豫者也自伏羲畫卦周公制禮率先斯道以惠其人故立筮人建卜師卜職或掌三易以辨乎九筮或開四兆以作乎八命俾吉不相習假爾有常叶

乎乾坤調彼昭昧占兆審卦異位同功不其然歟夫以
原始要終鈎深索隱則象事知器占事知來著辨吉凶
則圓神而方知龜窮禍福乃戴陽而履陰繇得蒺藜終
驗齊莊之難兆聞鳴鳳便興敬仲之宗且其兆體百有
二十夫其頌聲千有二百由是其尚也夫龜者著性命
之理有好惡之情善出入之端存生死之變冠羣甲之
長居四靈之間上高法天下平象地壽三千歲而遊於
蓮葉之上吸以沆瀣之精蓋通其聖也何彼叢薄之下

驚奮之中生而無靈長而無識奉大衍之數而為準求
元亨之義而為用探賾而知其變審爻而據其辭豈與
夫灼而專達居然獨見同年而語耶史佚以之佐昌此
其効也墨以之從長又其効也衛人以龜為有知漆雕
以為善對又其効也至如管輅卜鄰之火孔愉反顧之
鑄蓋小之也則知靈德感應觸類而長矣故朔望則灼
孟冬命釁蓋先王之重者萬事之偕也信矣夫

原箴宋顏延之大筮箴曰余因讀易偶意著龜友人

請決遊宦務志卦有咎占故作大筮箴以悟焉先王設
筮大人盡慮卦遭同人變而之豫先號後笑初睽未遇
時至運來當在三五功畢官成幾乎衍數慶在坤宮災
在坎路不出戶庭獨立無懼違此而動投足失步無情
爾儀靈骨有知無曰余逆神筮不豫南人司箴敢告馳
驚

原序梁元帝洞林序曰蓋聞元朽之野鬼方難測朱鳥
之舍神道莫知而緹幔曉披既辨黃鍾之氣靈臺夕望

便知玉井之色復以談乎天者雖絕名言之外存乎我
者還居稱謂之中余幼學星文多歷歲稔海中之書略
皆尋究巫咸之說偏得研求雖紫微迢遞如觀掌握青
龍顯晦易乎窺覽羨門五將亟經玩習韓終六王常所
寶愛至如周王白雉之筮殷人飛燕之卜著名聚雪非
關地極之山卦有密雲能擁西郊之氣爻通七聖世經
三古山陽王氏真解談元河東郭生纔能射覆兼而兩
之竊自許矣

明天文一

原恒象 常居

傳天事恒象言恒以象示人太一常居也旁三星三公也餘三星後

天極星

宮也

管輅 李邵

輅八九歲時與鄰兒戲土壤中輒畫天文及日月星辰語皆不常父母禁

之不止自言家雞野鵲猶知時令況人乎

擾天紀

邵好天文之術指二使星向益部詳星

察時變

義和涵淫廢時亂日倣擾天紀昏迷於天象 易曰觀乎天文以察時變

廣洪範

徵渾天

晉書云巫咸甘石之說後代所宗暴秦焚書天官星占存而勿毀司馬談父子作天官書

劉向廣洪範作皇極論班固續述天文蔡邕譙周各有撰錄司馬虎采之又桓君山奏事坐西廡下以寒故

曝背有頃日光去不復曝背乃告信蓋天日如推磨天左旋而日西行光景當照此廊下移而東耳不當迭去

乃應渾天也日若繞西及北故應如月在雲之狀不得夜更黑渾天信而有徵也

占王良

觀劍氣

天駟旁一星曰王良占曰王良策馬車騎滿野晉書云吳之未滅牛斗之間常有紫氣術者

皆云吳未可圖張華獨以為不然及吳平紫氣逾明華聞雷煥妙達緯象乃邀煥宿共尋天文知將來吉凶登樓仰觀煥曰惟斗牛之間有異氣耳寶劍之精上徹於天在豐城獄屋中測日影占德

星

土圭之法詳日太史占德星奏賢人聚詳星

歷代掌著周官掌觀

書晉

云高陽命南正司天帝嚳亦式叙三辰唐虞羲和夏昆吾殷巫咸周史佚魯梓慎晉卜偃鄭裨竈宋子韋齊甘德楚唐昧趙尹臯魏石申皆掌著天文保章氏掌觀日月星辰之變辨其吉凶之象以觀妖祥

五

星合散

三辰式叙

史泰始皇宿中外宮凡百一十八伏見早晚邪正存亡虛實闊狹及

五星所行合散犯守陵歷闕蝕暈謫背穴抱
珥虹蜺者本在地而上發於天 帝嚳詳上

明天文二

原秘奧 精微 上天垂象 下土具瞻 博考乾象

眇覲星辰 式觀玄象 洞曉天文 爰度變通

罔或差忒 業習談天 識乖窺管 興而視夜 仰

以觀天 天無遁形 星無遺象 道雖玄遠 象則

昭明 藝精窺牖 業著專門 仰觀俯察 下學上

達 察有爛之文 詳不愾之色 璇衡齊政授時於

虞典 銅渾設象致用於漢朝 稽日月之度考其盈
縮 推星辰之躔審其次舍 躔次運行可徵於漢史
吉凶占候有犯於國章 天遠人邇曾不戒乎多言
夜考晝參果致尤於私習 二儀部判見若卵之肇
分 七曜迴旋觀如蟻之環轉 七紀五緯躔次如契
於心 四海九州分野若指諸掌 子貢多言仲尼未
賢其屢中 裨竈或信子產猶謂其焉知

占候

原黃龍見

白鳥集

後漢和帝永元末黃龍見譙喬元
曰此何祥其當有王者不及五十

年龍當復見此應見魏郡豐殷密記之至建安二十五年龍復見譙其冬魏受禪漢昭時泰山南洶洶有數

千人聲大石自立白頭鳥集傍上林苑中枯柳自起蟲食樹葉成文曰公孫病已立

梓慎望氣

伯夙懼氣

傳昭二十年正月己丑日南至梓慎望氣曰今茲宋有亂蔡有大喪晉楚會於宋

楚人衷甲伯夙謂趙孟曰楚氛甚惡懼難

赤黑之祲

水旱之理

傳曰有
事於武

宮梓慎曰吾見赤黑之祲非祭祥妖氣也史記計然曰歲在金攘水毀木饑火旱旱則資車水則資舟物之

理也
掌十輝之法

辨五雲之物

周禮眡祲掌十輝之法以觀妖祥又云

以五雲之物辨吉凶山水旱豐荒祲祥以十二風察天地以乖和觀變化之妖祥

啟閉必書雲

物 災變分卦日用

傳曰凡分至啟閉必書雲物 京

身者京生也其說長於災變分六十四卦更直日用事以風雨寒溫為候各有占驗而房用尤精妙

婦

生四子京師揚兵 屋集二魚邊將棄甲

南昌有婦人生四子太子

問唐檀災變之應唐檀以京師有兵氣其禍發於蕭牆至延和四年孫程揚兵省殿誅閹顯 魏時有二魚長尺餘集武庫屋上有司以為吉祥王肅曰魚生泉而及於屋介鱗之物失其所邊將殆有棄甲之象後關東敗果應其言

巫

原巫祝

巫恒

說文曰巫祝也 會常聚之巫以待命

用巫

謁巫

易曰

用史巫紛若吉
列子云宋陽
里子華病忘謁巫而卜之不吉

沈巫

焚巫

西門豹
為鄴令

沈巫現

傳云夏

制神

娶女

國語云在男曰現女
曰巫使制神處位

大旱公欲焚巫尪

後漢書宋均為九江太守陵道縣有虞后二山衆巫取
百姓女為公嫗均下書曰自今為山娶者娶巫家勿擾

良人

雩旱

吐火

司巫掌羣巫之政令國大旱則帥巫
而舞雩國有大災則帥巫而造巫恒

晉夏統字仲御從叔敬寧祠先人迎女巫章丹陳珠
二人竝有國色裝服甚盛善歌舞又能隱形匿影甲夜

之初撞鐘擊鼓間以絲竹丹珠又

掌祓除

祀上帝

拔刀吐火雲霧杳冥流光發電

周禮女巫掌歲時祓除釁浴注歲時祓除若今三月上
巳祓水上之類俗以香薰草藥沐浴史記越巫立祠

祀天神上帝

桑田巫

梗陽巫

晉侯病召桑田巫曰
不及食新麥矣

百鬼以雞卜

梗

陽之巫臯注云梗陽邑名臯巫名

自言巫

見大巫

後漢高鳳不應為吏恐不免自

言巫家子以自污

吳書張紘見陳琳作武軍賦歎之

琳答曰僕在河北少文人易為雄伯故使僕有此談今

足下子布在彼所謂小

增求媚

祈豐

唐棣王琰妃韋氏以有過

巫見大巫神氣殫矣

置別室乃求巫者密置符於琰履中以求媚

唐羅隱

云荆楚人淫祀者多矣有巫頗聞於鄉閭其初為人祀

也筵席尋常歌迎舞將祈疾者健起祈歲者豐穰其後

為人祀也羊猪鮮肥清酤滿卮祈疾得死祈歲得饑里

人忿焉而思之未得適有言者曰吾昔遊其家也其家

無甚累故為人祀誠心罄乎中而福亦應乎外其胙必

散之其後男女蕃息焉衣食廣大焉故為人祀誠不得

罄于中而神亦不歆於外其胙且入其家是人非前聖

而後愚蓋牽於心而不暇及人耳

厭怪

敗釀

劉文靖家

以一巫用心尚耳況異於是者乎

數有怪召巫夜披髮銜刀為禳厭容齋隨筆云襄陽鄧城縣巫師能用妖術敗酒家所釀凡開酒坊者皆畏之

家不用巫

疾不呼巫

顏之推家訓吾家巫覡符章絕於言議汝曹所見勿

為妖妄

李世勣有

禁其惑人

勒以為農

唐陳子昂上言

疾家欲呼巫勸不許

巫咒熒惑於人者禁之

宋陳希亮知長沙

縣毀淫祠數百區勒巫為農者七十餘家

原雖達

幽冥有如邪妄

託以巫師

招於禱祈

其或闕

之不為知禮

巫二

增歌元吳萊北方巫者降神歌曰天深洞房月漆黑巫

女擊鼓唱歌發高梁鐵鐙懸半空塞向堽戶跡不通酒
肉滂沱靜几席箏琶朋指淒霜風暗中鏗然那敢觸塞
外祆神喚來速隴坻水草肥馬羣門巷光輝耀狼羆舉
家側耳聽語言出無入有凌崑崙妖狐聲音共叫嘯健
鶻形勢同飛翻甌脫故王大獵處燕支廢磧黃沙樹休
屠收像接秦宮于闐請騶開漢路古今世事一渺茫楚
機越女幾災祥是邪非邪降靈場麒麟被髮跨大荒

相術一

原荀子曰以為天不知人事耶則周公有風雷之災宋景有三次之福以為知人事乎則楚昭有弗禱之應邾文無延期之報由是言之則天道之與相占可知而疑不可得而無也 增皮日休曰今之相工言人相者必曰某相類龍某相類鳳某相類牛馬甚至公侯甚至卿相類禽獸則富貴也噫立形於天地分性於萬物其貴者不過人焉有真人形而貧賤類禽獸而富貴哉 青箱雜記云相形不如論心諺曰有心無相相逐心生有

相無心相隨心滅

相術二

原左傳云叔服來聘公孫敖聞其能相人見其二子焉
叔服曰穀也食子難也收子穀也豐下必有後於魯

孫卿子曰古有姑布子卿今世有唐舉相人形狀顏色
而知其吉凶世俗稱之相形不如論心論心不如擇術
形不勝心心不勝術術正而心從之則形相惡而心術
善無害為君子也形相雖善而心術惡無害為小人也

增孔叢子曰魏安釐王問子順曰馬回直亮有大夫
節吾欲以為相可乎對曰直亮之節吾未明也臣聞諸
鄉人長目而豕視者必體方而心圓臣於見回甚疑其
目王卒用之果以詐得罪 史記云平原君對趙王曰
澠池之會臣察武安君之為人小頭銳上瞳子黑白分
明眊瞻不轉小頭銳上者斷敢行也瞳子黑白分明者
見事明也眊瞻不轉者執志彊也可與持久難與爭鋒
廉頗為人勇鷙而愛士知難而忍恥與之野戰則恐不

如守足以當之王從其計 原史記云呂公者好相人
見高祖狀貌因敬重之呂公曰臣少好相人相人多矣
無如季相願季自愛臣有息女願為箕箒妾女即呂后
也生孝惠帝魯元公主有一老父過請飲老父相后曰
夫人天下貴人也令相兩子見孝惠帝曰夫人所以貴
者乃此男也相魯元公主亦皆貴老父已去高祖從旁
舍來呂后具言高祖乃追及老父老父曰向見者夫人
兒子皆以君君相貴不可言高祖謝曰誠如父老言不

敢忘德及高祖貴遂不知老父去處

增漢書云吳王

濞高祖兄仲之子也高祖立濞為吳王召濞相之曰若有反相因拊其背曰漢後五十年東南有亂者豈若耶然天下同姓一家慎無反濞曰不敢後果反又云周亞夫為河內守許負相曰君後三歲而侯八歲為將相秉國九年而餓死亞夫笑曰既已貴如負言又何說餓死負指其口曰縱理入口此餓死法也後有罪入廷尉不食五日嘔血而死原史記云韋賢至大鴻臚有相

工相之當至丞相賢有男四人又使相之至第二子元成曰此子貴亦當為丞相賢曰我若為丞相有長子在是安得為之賢後竟為丞相既死而長子有罪乃立元成東觀漢記曰孝順梁后永建三年選入掖庭相工萊通見矍然驚駭却再拜賀曰此所謂日角偃月相之極貴臣所未嘗見也又班超行詣相者曰布衣諸生爾當封侯萬里之外超問其狀相者曰生燕頤虎頭飛而食肉此萬里侯相也後封定遠侯增晉書云潘滔

相王敦曰處仲蜂目已露豺聲未振若不噬人亦當為人所噬後為江州牧起兵內向後敗 又歷陽陳訓相甘卓曰頭低視仰相名盼刀目中赤脉外入必兵死後果為王敦所殺 魏書云管輅言吾額上無主骨眼中無守精鼻無梁柱脚無天根背無三甲腹無三壬皆不壽之相 南史云王敬則母為女巫常謂人曰敬則生時胞衣紫色應得鳴鼓角人笑曰汝子得為人吹角可矣及長而兩腋下生乳各長數寸夢騎五色獅子後果

然又云章昭達少遇相者曰卿貌甚善須小虧則當富貴後昭達因醉墮馬鬢角小傷昭達喜之相者曰未也侯景之亂昭達中流矢眇一目相者見之曰卿相善矣不久當富貴後官至司空唐書云太宗四歲有書生見之曰龍鳳之姿天日之表年幾壯必能濟世安民後高祖援濟世安民之語遂以名太宗又王珪始隱時與房杜善母李曰兒必貴然未知所與遊者何如人試與偕來會齡等過其家李窺大驚喜曰二客公輔才

汝貴不疑 又隋文帝楊堅龍額上有五柱八頂有文在手曰王字長上短下相者私謂帝曰公當為天子

又李珣舉明經李絳曰日角龍犀

額有龍犀入髮左角日右角月者王天下

非庸人相明經碌碌非子所宜 又張憬藏相魏元忠

久不答元忠怒曰窮通有命何預君耶拂衣去憬藏遽起曰君之相在怒時位必卿相 又宋齊丘微時日者

相之曰君貴不可言然亞夫下獄君相類之位極之日當早引退庶幾保全齊丘登相位數載致仕復以司徒

就徵未幾坐陳覺謀干紀事乃賜死 甘澤謠云衡岳

寺有僧執役性懶而食殘號懶殘李泌異之一日往見

正撥火煨芋啖之取其半授泌曰勿多言領取十年宰

相 又柳惲十餘歲相者曰兒相夭且賤為浮屠可緩

死諸父欲從其言惲曰去聖教為異術不若速死學愈

篤位至宰相 芝田錄云袁天綱相竇軌伏犀貫玉枕

當於益州立功名果然又相李嶠曰睡則氣從耳出名

龜息必貴 五代史云桑維翰為人醜怪身短面長常

臨鏡自奇曰七尺之身不如一尺之面後至相 宋史
云太宗召陳搏詣南衙見真宗及門亟還問其故曰王
門廝役皆將相也何必面王建儲之議遂定 金華記
云李寬為常侍有門下盧生善相或問李公如何答曰
據其面部所無者三無子無宅無塚公有數子皆先公
卒有宅未嘗還鄉居死於池州乘舟歸舟破沉其骨
仇池筆記云歐陽公言少時有僧相我耳白於面名滿
天下脣不貼齒無事得謗其言頗驗 百家詩話云陳

瑩中嘗入朝已立班上御朝差晚杲日照耀蔡京注目視日久不瞬瑩中私謂同省曰此公視日不瞬真大貴人也 聞見錄云王冀公欽若謁錢希白適希白延術士考休咎不容通謁冀公厲聲詬閤人術者聞之曰此人形聲相稱世無此貴希白召之冀公神貌疎瘦復贅於頸舉止山野希白蔑視之冀公起術人歎曰人中之貴有此十全者錢戲曰中堂之內便有此等宰相乎術人正色曰此人不作則已若作之君臣相得錢曰他日

當陶鑄吾輩乎曰恐不在他日後希白方為學士冀公
已真拜矣 明泳化類編曰徐昂泰州人登弘治甲辰
進士初無嗣因赴試遇京有相士王姓者言多中士大
夫皆神其術昂往問嗣王曰君相不容嗣為之奈何徐
初亦不為念及登第出守西安因途納一嬖頗妍徐詰
其姓嬖詳告之曰予某地人父名某作某官喪於某年
向以歲饑為賊暴掠售於此徐憫其為故家女也即焚
券不令為妾及之任擇郡民行修者出簪服配之秩滿

復入京王見之驚曰君相異矣子星滿容詎非培德所致乎後徐氏庶妾一歲而育五子咸磊落越人

相術三

原山庭 犀角

子貢有山庭之相犀角豐盈賢明之相

蜂目

豺聲

左傳

云楚王以商臣為太子子上曰是人也蜂目豺聲忍人也不可立之

增龍顏

鳳頸

史記

云漢高帝為人隆準而龍顏美鬚髯左股有七十二黑子唐袁天綱見武后母曰夫人法當生貴子后方幼

姆抱以見綱給以男綱視其步與目

捫骨

聽聲

太平

驚曰龍瞳鳳頸若為女當作天子

廣記云唐貞元末相骨山人以無目故逢人以手捫之必知貴賤房次卿方勇於趨進率先訪之及出戶時後

謁者盈巷觀次卿已出迎問之曰何如答曰不足言不足言且道箇杜長秀才位極人臣何必更言杜循後果帶相印鎮西蜀云術士王生瞽而善聽聲丁晉公守金陵王生潛聽其馬蹄聲曰參政月中必召拜相果如其言

原女當貴

父不祥

黃霸與善相者同出見一婦人相者言當富貴乃巫家女

霸娶為妻與之終身

莊子云楚司馬子綦有

雖賤

八子召九方歎相之曰子則祥矣父則不祥也

必貴

當刑而王

史記云姑布子卿善相見無恤曰真將軍也趙簡子曰是子其母賤翟婢

也奚道貴哉子卿曰天之所授雖賤必貴

黥布姓英

氏少時客相之曰當刑而王及壯坐法黥布欣然笑曰

人相我當刑而王幾是乎

覽鏡知刑

眇刀果殺

張蜀

人有聞者皆戲笑後果驗

增眼似王

御定淵鑑類函

卷之三

三十三

敦 骨類多遜

邵氏聞見錄云李承之在宋仁宗朝官州縣因邸報包拯拜參政或曰朝廷自

此多事矣承之正色曰包公無能為今知鄞縣王安石
眼多白甚似王敦他日亂天下者此人也 歸田錄云
初寇萊公年十九擢進士第有相者曰君相甚貴但及
第太早恐不善終若功成早退庶免深禍君骨類多遜
耳後果如其言

相術四

原額有龍犀

足履龜文

朱建平相書曰額有龍犀入髮左角日右角月者王天下

後漢李固狀貌有奇表鼎角匿犀足履龜文後為太尉

唐生決疑

蒯通相背

歸田賦曰感蔡子之慷慨從唐生以決疑 漢書蒯通
進說韓信曰相君之面不過封侯相君之背貴不可言

豎理徹指

縱理入口

相者謂陶侃君左手中指有豎理當為公若徹上貴不可

言侃以針刺決之見血灑辟為

公字後果應

下詳相術二

皆至方岳 不過郡

吏

善相者陳訓謂周訪與陶侃曰二君皆位至方岳功名畧同但陶上壽周下壽優劣有殊 後漢趙壹州

郡爭致禮命十辟公府不就善相者相壹位不過郡吏後果如其言

為奴封侯 鑄錢

餓死

衛青至甘泉居室有鉗徒相青官至封侯青曰人奴之生得無笞罵足矣安敢望封侯 鄧通有相

者云必餓死帝曰能富通者我也乃與銅山鑄錢景帝時以犯法竟至餓死獄中

增長身瘦

面 河目海口

宋周益公長身瘦面狀如野鶴在翰苑多年壽皇一日燕居歎曰好一箇宰相

但恐福薄耳蓋疑其相也一老璫在旁奏曰官家所歎豈非周必大乎臣見所畫司馬光像亦如必大清癯上

為之一笑未幾必大登庸為太平宰相出鎮長沙退休
又享清閒之福十有餘年方卒 宋洛人陳去非河目

海口大耳聳峙識者知其為

貴相人也徽宗時為參政

伏犀貫腦 騰蛇入口

袁天綱見張行成與馬周曰馬君伏犀貫腦背若有負
貴驗也近世君臣相遇未有及公者然面澤赤而耳無
根後骨不隆壽不長也張君晚得官位終宰相岑文本
謂周曰鵠肩火色騰上必速恐不能久後四十八歲而
卒 唐裴晉公質狀眇小有僧相之曰郎君騰蛇入口
若不至貴即當餓死一日遊香山寺有婦人以父被罪
假得玉帶二犀帶一以賂要津寘於欄楯忘收而去度
拾得還之後相者見之驚曰必有陰德及物前途萬里
則非某所知也

後果登相位

原此兒有奇骨 孺子有好相 晉桓

元子未暮溫嶠見之曰此兒有奇骨真英物父葬以其
為溫嶠所賞故名之曰溫 羊祜字叔子遊汶水濱父

老謂曰孺子有好相年六十
建大功既言便去莫知所在

唐舉戲蔡澤 法真指

胡廣

史記云蔡澤問唐舉曰聞君相李兌百日之內合
持國令有諸舉曰有之若臣者何如舉熟視笑曰

君曷鼻巨肩鴈顏感羈吾聞聖人不相殆先生乎澤知
舉戲之乃曰富貴吾自有不知者壽也舉曰四十三年
澤笑謝去謂其御者曰吾躍馬肉食四十年亦足矣
後果為秦相 廣為郡散吏太守法雄子真名知人雄
勅真令助求人悉召諸吏令真窺
之獨指胡廣遂舉孝廉為漢名臣 有知人之鑑 論

形相之妄

許劭
王朗

聖人是帝王之貌 小史有封侯

之骨

孔叢子曰仲尼聖人之表河目龍額是帝王之貌
也 翟方進年十三為小史號遲鈍數為掾吏詈

辱方進自傷詣蔡父相大奇其貌曰小
史有封侯之骨當以經術進因病而歸

薄姬王者之

妃 曹操安人之主

許負相
喬元相

惟德受天 以形合

相 貴賤且殊

榮枯斯等

虛陳禍福

謬託災祥

論性命之期

定吉凶之兆

衛青起自牧羊

蔡

澤終聞躍馬

貴賤之表近取諸身

休咎之徵如指

諸掌

辨吳粲之貴始自幼童

知陶侃之榮當期老

耄

鑄錢鄧通媿文帝之深意

賣珠董偃遇館陶之

厚恩

相術五

增詩宋劉克莊贈馬相士詩曰嫗貌何妨至輔臣猴形

亦有上麒麟伏波睂目空如畫不是雲臺劔佩人 又

荀卿初了心形者蒯徹安知背面哉別有精微書不載

待君見了季咸來 文天祥贈鏡湖相士詩曰五月五

日揚子江心水鑄作道人雙瞳子吾面碟子大安用鏡

照二百里 又贈秋月葉相士詩曰急流勇退神仙跛

斃龍鍾將相借問華山山中何似天津橋上 元趙孟

頌贈相者詩曰吾聞伯樂善相馬一顧千金長高價何

人個儻買權奇滿眼駑駘居櫪下張君年少目有神走
半江湖多閱人我生瘦悞乏駿骨浪許騰驤防失真連
朝春雨今始晴花枝照眼生春情樓前山色橫翠靄湖
上柳黃飛亂鶯便須酤酒與君飲醉倒花前猶滿引懶
從唐舉問流年欲向德翁謀小隱 鄭元祐贈薛相士
詩曰子有唐生術誰知范叔寒知無狼顧骨可有鸛皮
冠野日晴猶嫩春泥曉未乾多君遠相顧不用畫灰看
原論魏曹植相論曰世固有人身瘠而志立體小而名

高者於聖則否是以堯眉八彩舜目重瞳禹耳參漏文
王四乳然則世亦有四乳者此則駑馬一毛似冀耳宗
臣有公孫呂者長七尺面長三尺廣三寸名震天下若
此之狀蓋遠代而求非一世之異也使形殊於外道合
其中名震天下不亦宜乎語云無憂而戚憂必及之無
慶而歡樂必還之此心有先動而神有先知則色有先
見也故扁鵲見桓公知其將亡申叔見巫臣知其竊妻
而逃也 王朗相論曰仲尼之門童冠之群不言形相

之事抑亦難據故也古之人固有懷不副其貌行不稱其聲者是故夫子以言信行失之於宰予以貌度性失之於子羽聖人之於聽察精矣然猶或有所不得以此推之則彼度表捫骨指色摘理不常中必矣若夫周之叔服漢之許負各以善相稱於前世而書傳記其効驗之尤著者不過公孫氏之二子與夫周氏之條侯而已增唐李德裕折羣疑相論曰夫相之相在於清明將之相在於雄傑清明者珠玉是也為天下所寶雄傑者

虎兇是也為百獸所伏然清者必得大權不能享豐富
雄者必當昌侈不能得大柄無而有之者在乎粹美而
已余頃歲莅淮海屬縣有盱眙山多珉玉剖而為器清
明洞澈雖水精明冰不如也而價不及於凡玉終不得
為至寶以其不粹也清而粹者天也故高不可測清而
澈者泉也故深亦可察此其大略也余嘗精而求之多
士以才為命婦人以色為命天賦是美者必將有以貴
之才高者雖孟嘗眇小察澤折頰亦居萬人以上色美

者雖鈎弋之拳子夫之賤亦為萬乘之偶然不如清而粹者必身名俱榮福祿終泰張良是也擇士能用此術可以拔十得九無所疑也 增又杜牧相論曰呂公善相人言女呂后當大貴宜以配季季後為天子呂后復稱制天下王呂氏子弟悉以大國隋文帝相工來和輩數人亦言當為帝者後篡竊果得之誠相法之不謬矣呂氏自稱制通為后凡二十有餘年間隋氏自篡至滅凡三十六年間男女族屬殺滅殆盡當秦末呂氏大族

也周末楊氏為八柱國公侯相襲久矣且以一女子一
男子偷竊位號不三二十年間壯老嬰兒皆不得其死
不知一女子為呂氏之福耶為禍耶一男子為楊氏之
禍耶為福耶得一時之貴滅百世之族彼知相法者當
曰此必為呂氏楊氏之禍乃可謂善相矣今斷一指得
四海凡人不欲為況以一女子一男子易一族哉余讀
荀卿非相因感呂氏楊氏知卿為大儒矣

原贊周庾信蔡澤就唐生相贊曰蔡澤羈旅唐生決疑

無勞神策不問靈龜富貴自取年壽須期雖云異相會
待逢時

原序梁陶弘景相經序曰相者蓋性命之著乎形骨吉
凶之表乎氣貌亦猶事先謀而後動心先動而後應表
裏相感莫知所以然且富貴壽夭各值其數董賢甫在
弱冠便位過三公貲半於國而裁出三十身摧家破馮
唐袴穿郎署楊雄辟立高閣而竝至白首或垂老玉食
而宦不過尉史或穎惠若神僅至髡鬣或不辨菽麥更

保黃耆此又明其偏有得也 劉孝標相經序曰夫命

之與相猶聲之與響聲動乎幾響窮乎應雖壽夭參差

賢愚不一其間大較可得聞矣若乃生而神睿弱而能

言八彩光睂四瞳麗目斯實天姿之特達聖人之符表

洎乎日角月偃之奇龍棲虎踞之美地靜鎮於城纏天

關運於掌策金槌玉枕磊落相望伏犀起蓋隱鱗交映

井宅既兼食匱已實抑亦帝王卿相之明効也及其深

目長頸頰頰感鰐蛇行鷺立猓喙鳥喙觔不束體血不

華色手無春荑之柔髮有寒蓬之悴或先吉而後凶或少長乎窮乏不其悲歟至如姬公凝負圖之容孔父眇
栖遑之迹豐下知其有後黃中明其可貴其間或躍馬
或飛而食肉或阜隸晚侯初形未正銅巖無以飽
饌終乎餓死因斯以觀何事非命

御定淵鑑類函卷三百二十三



總校官庶吉士臣張能照

校對官編修臣裴謙

謄錄舉人臣董凝極

欽定四庫全書叢要

子部

御定淵鑑類函卷三百二十四

詳校官兵部主事臣雷純

欽定四庫全書會要卷一萬一千七百七十二

子部

御定淵鑑類函卷三百二十四

巧藝部一

射

射一

原世本曰逢蒙作射

增易曰公用射隼於高墉之上

獲之無不利

原周禮曰凡射王以六耦射三侯三獲

三容樂以騶虞九節五正諸侯以四耦射二侯二獲二

容樂以貍首七節三正孤卿大夫三耦射一侯一獲一

容樂以采蘋五節二正士以三耦射豳侯一獲一容樂

以采蘋五節二正

節樂之節也容之也豳獸名獲弊也

增周禮曰地官

大司徒以鄉三物教萬民而賓興之三曰六藝禮樂射御書數又曰諸侯歲貢小學之秀者於天子命曰造士行同而能偶別之以射然後爵之又曰大射王出入令奏王夏及射令奏騶虞詔諸侯以弓矢舞又曰天子用王弧射虎侯用唐大射熊侯用夾庾射豹侯又曰服不氏射則贊張侯以旌居乏而待獲又曰庭

氏掌射國中之祆鳥若不見其鳥獸則以救日之弓與

救月之矢夜射之若神也則以太陰之弓與枉矢射之

考工記曰凡析榦射遠者用執射深者用直居榦之

道菑粟不弛則弓不發 原禮記曰君使士射不能則

辭以疾曰某有負薪之憂懸弧之義也 又曰射有似

乎君子失諸正鵠反求諸其身 增又曰男子生桑弧

蓬矢六以射天地四方天地四方者男子所有事也故

必先志於其所有事 又孔子曰射者何以射何以聽

循聲而發發而不失正鵠者其惟賢者乎 戰國策蘇

秦說韓王曰天下之良弓勁弩皆自韓出射六百步之

外 又曰射者方將修其器盧治其矰繳將加已乎百

仞之上被剗礮引微繳折清風而耘矣故晝遊乎江湖

夕調乎鼎鼐夫黃鵠其小者也 楚辭九歌曰青雲衣

兮白霓裳舉長矢兮射天狼 楚辭天問曰馮珖利決

封豨是射 原老子曰天之道其猶張弓乎高者抑之

下者舉之有餘者損之不足者與之 莊子曰以十鈞

射者見天而不見雲以七鈞射者見鵠而不見鵠以五鈞射者見鵠而不見雀 尸子曰鴻鵠在上孳弩以待

若發善否問二五弗知非二五難計也欲鴻之心亂也 增墨子曰善射者不盡弓力 原淮南子曰越人學

遠射參天而發鏑在五步內今學者欲學古而不知變 是越人射也 增又曰夫括淇衛箇輅載以銀錫雖有

薄縞之幘腐荷之矰然猶不能獨射也假之筋角之力 弓弩之勢則貫兕甲而徑於革盾矣 又曰射者非矢

不中也學射者不治矢也 又曰烏號之弓谿子之弩

不能無絃而射 吳越春秋曰陳音云夫射之道身若

戴板頭若激卵左足蹉右足橫左手若附枝右手若抱

兒舉弩望敵翕心咽煙與氣俱發得其平和神定思閒

去止分離右手發機左手不知一身異教豈况雄雌此

正射持弩之道也 呂氏春秋曰射杓者欲其中小也

射獸者欲其中大也 說文曰弓弩發於身中於遠也

白虎通曰天子所以親射何助陽氣達萬物也 又

曰夫射者執弓堅心平體正然後中也二人爭勝樂以

養德也 通元經曰弧弓爲射非絃而不能發天之爲

射無弓必中 太玄經曰密雨溟沐潤於枯瀆三日射

谷 水經注曰會稽有射的山遠望如射侯其中石室

方丈謂之射堂 蜀志譙周傳曰諺云射幸數跌不如

審發 太平御覽曰善射者調弓定準見可而發 顏

氏家訓曰弧矢之利以威天下先王所以觀德擇賢亦

濟身之急務也

射二

原山海經曰軒轅國在窮山際其不壽者八百歲人面蛇身尾交首不敢西射畏軒轅之丘 增山堂肆考曰唐堯時有名羿者善射河伯溺殺人則射其左目風伯壞人屋室則射中其膝又誅九嬰饕餮之屬有功於天下 吳越春秋曰陳音云黃帝之後有弧父者產於楚之荊山生不見父母兒時習用弓矢所射無脫後以其道傳羿

山堂肆考曰堯時有名羿者善射夷羿慕其爲人亦名曰羿

帝王世紀曰

帝羿有窮氏與吳賀北游賀使射雀曰生之乎殺之乎
賀曰射其左目羿引弓射之誤中其右抑首而愧終身
不忘 列子曰逢蒙之弟子鴻超怒其妻而怖之射其
目矢來注眸子而眊不睫矢墜地而塵不揚 樂記曰
武王克殷散軍而郊射左射狸首右射騶虞而貫革之
射息 穆天子傳曰天子東游飲於留祈射於麗谷
原禮記曰孔子射於矍相之圃蓋觀者如堵牆 增左
傳曰魯莊公以金僕姑射南宮長萬 原列子曰甘蠅

古之善射者彀弓而獸伏鳥下 增又曰蒲且子之弋

也弱弓纖繳乘風振之連雙鶴於青雲之際用心專動
手均也 又曰紀昌學射於飛衛既盡其術乃謀殺衛

一日相遇於野交射中路矢鋒相觸墜於地而塵不揚
飛衛之矢先窮紀昌遺一矢既發飛衛以棘刺之端扞
之而無差焉 莊子曰列禦寇爲伯昏瞀人射引之盈
貫措杯水於其肘上發之鏑矢復沓方矢復寓當是時
猶象人偶人也伯昏瞀人曰是射之射也非不射之射也

原左傳曰晉將戰潘尫之黨與養由基蹲甲而射之
徹七札焉以示楚王曰君有二臣如此何憂於戰王怒
曰大辱國詰朝爾射死藝

賤其不尚智謀矜射
力必當死於藝也

尸子

曰荆莊王命養由基射蜻蛉王曰吾欲得之養由基援
弓而射之拂左翼王大喜 新序曰楚熊渠子夜行見
寢石以爲伏虎彎弓射之沒金飲羽下視知其石也因
復射石矢摧無跡渠子見其誠心金石爲之開而況於
人乎 增潛確類書曰宋景公使工人爲弓九年乃成

公登虎圈射之矢踰西霜之山餘力逸勁猶飲羽於石
梁新序曰楚王載繁弱之弓忘歸之矢以射兕於雲
夢史記楚世家曰楚人有好以弱弓微繳加歸雁之
上者頃襄王聞召而問之對曰小臣之好射騏雁羅鷺
小矢之發也何足爲大王道也列女傳曰晉平公使
工爲弓三年乃成射不穿一札公怒將殺工其妻見公
曰妾之夫造此弓亦已勞矣而不穿一札是君不能射
也妾聞射之道左手如拒右手如附枝右手放發左手

不知公以其言爲儀而穿七札 三輔黃圖曰秦始皇

作臺高四十丈嘗射鴻於臺上故號鴻臺 史記曰漢

有善騎射者樓煩楚將挑戰三合樓煩輒射殺之 原

又曰李廣爲右北平太守出獵見草中石以爲虎而射

之中沒鏃視之石也因復射之終不復入廣所居郡聞

有虎嘗自射之及居右北平射虎虎騰傷廣廣亦竟射

殺之廣爲人長猿臂其善射亦天性也雖子孫他人莫

能及 又曰匈奴大入上郡天子使中貴人從廣勒習

兵擊匈奴中貴人將騎數十縱見匈奴三人與戰三人還射傷中貴人殺其騎且盡中貴人走廣廣曰是必射鵠者也 漢書曰匈奴畏郅都之威刻木象都之狀交

弓射之莫之能一中 增又曰李陵自請曰臣所將屯

兵皆荆楚勇士力扼虎射命中願得自當一隊 說苑

曰白龍下清冷之淵化爲魚漁者豫且射中其目白龍上訴天帝天帝曰當是之時若安置而形白龍對曰我下清冷之淵化爲魚天帝曰魚固人之所射也若是豫

且何罪 漢書循吏傳曰鮑永爲魯郡太守孔子闕里

無故荆自除永謂府丞及魯令曰闕里自開豈夫子欲
令行禮耶乃會人衆修鄉射之禮 古詩紀注曰漢明

帝東巡有烏飛鳴乘輿上虎賁郎射中之遂作射烏辭

帝賜錢百萬令亭壁皆畫焉 後漢書陳王寵善弩射

注華嶠書曰寵射其秘法以天覆地載參連爲奇又三
微三小三微爲經三小爲緯經緯相將萬勝之方然要

在機
牙

獻帝春秋曰張遼問吳降人曰向有紫髯將軍

長上短下大便馬善射是誰答曰是孫會稽也 魏志

曰挹婁國古肅慎氏之國也善射人入目 原魏書曰

文帝共上常獵爲虎所逐顧射應聲而倒太祖壯其摯

勇使將武騎 吳志曰太史慈猿臂善射弦不虛發常

從孫策討麻保賊賊於屯裏緣樓上行罵以手持樓棼

慈引弓射之矢貫手著棼圍外萬人莫不稱善其妙如

此 典論文帝自序曰少好弓馬逐禽輒十里馳射常

百步後藏貊貢良弓燕代獻名馬時歲暮春和風扇物

弓燥手柔草淺獸肥於鄴西獵終日獲麋鹿九雉兔二

十 晉書曰魏舒爲後將軍鍾毓長史毓每與參佐射
舒常爲畫籌而已後遇朋人不足以舒滿數毓初不知
其善射舒容範閒雅發無不中舉坐愕然莫有敵者

增又曰劉曜雄武過人鐵厚一寸射而洞之稱爲神射
又曰庾翼師次襄陽大會參伍陳旌甲親授弧矢曰
我之此行若此射矣遂三起三疊其氣十倍 異苑曰
晉阮明泊舟西浦見一青衣女子彎弓射之女即軒雲
而去 燕書曰賈堅彎弓三石餘烈祖親試之置牛百

步外使射堅曰少壯之時能令不中今老矣正可中之
恪大笑射發一矢拂脊再一矢摩腹皆附膚落毛恪曰
能復中乎堅曰所貴者以不中爲奇中之何難乃一發
而殪 魏書曰靈丘南有山高四百餘丈文成帝彎弓

發矢出三十餘丈過山南二百三十步遂刊石勒銘

北史后妃傳曰神武迎蠕蠕公主還爾朱氏逆於木井
北公主引角弓仰射翔鵠應絃而落妃引長弓斜射飛
鳥亦一發而中神武喜曰我此二婦並堪擊賊 北齊

書曰高隆之於墉土上立三人像爲壯勇之勢文宣曾

至東山因射謂墉上可作猛獸以存古義何爲終日射

人隆之無以對 北史曰宇文顯和膂力絕人彎弓數

百斤能左右馳射 南部新書曰王栖霞善射嘗與文

士游虎丘寺先以一箭射空再發中之 隋書曰宇忻

年十二能左右馳射驍捷若飛 朝野僉載曰隋末有

啗君謨者善閉目而射志在目則中目志在口則中口

稗海曰高麗國王侍婢立王左右有氣自天而下入

其口孕十月生男名曰東明善射王恐爲國害欲殺之

東明走彎弓射水魚鼈爲梁以渡 唐書曰太宗討劉

黑闥於肥鄉甫列陣有突將直衝刃將接太宗以天策

上將大箭射之中心洞背 又曰薛仁貴領兵擊九姓

突厥高宗出甲試之曰古之善射者穿七札卿且射五

重仁貴射而洞之 又曰李晟性雄烈善騎射從王忠

嗣擊吐蕃有驍將乘城拒鬪晟引弓一發而斃忠嗣撫

其背曰萬人敵也 宋史曰王審琦厚重有才畧尤善

騎射周世宗召禁軍諸校宴射苑中審琦連中的世宗
嘉之 又曰張永德屯下蔡牙帳前後隊皆金銀刀槊
永德善騎射左右分掛十的握十矢疾馳互發發必中
又曰高行周爲北面前軍都部署子懷德從征至戚
城被圍數重危甚懷德左右射縱橫馳突衆皆披靡以
功領羅州刺史賜珍裘寶帶名馬以寵異之 又曰周
仁美還澶州召見會令諸軍射仁美自稱筋力未衰願
對殿廷發二矢上許之 又曰王榮善射嘗引強注屋

棟矢入木數寸時人目爲王硬弓 又曰范廷召善騎

射嘗出獵有羣鳥飛過廷召發矢並貫其三觀者駭異

又曰陳堯咨工隸書善射嘗以錢爲的一發貫其中

燕射記曰孝宗幸玉津園講燕射禮塚前排招箭班

服紫衣幘頭叉手拱立御箭之來能以幘頭取勢轉導

入的亦絕技也 清波雜志曰政和五年燕輔臣於宣

和殿宮人列殿下鳴鼓擊柝躍馬如飛剪柳枝射繡毬

擊丸据鞍開神臂弓妙絕無倫衛士皆有愧色 遼史

曰神冊五年夏有龍見於伊喇山陽水上太祖射獲之

藏其骨內府 又曰興宗獵黃花山獲熊三十六尋御

元和殿以日射三十六熊賦試進士於庭 金史曰太

祖成童即善射一日遼使坐府中見太祖手持弓矢使

射羣鳥連三發皆中遼使瞿然曰奇男子也 又曰宗

雄九歲能射逸兔年十一射中奔鹿世祖坐之膝上曰

兒幼已然異日出倫輩矣 又曰熙宗獵於海島親射

五虎獲之平章政事烏葉獻東狩獲虎賦 又曰烏延

察喇射淮上柳矢入樹飲羽 元史曰綽哈精騎射帝

嘗與賊遇將戰有二飛鷲當空令綽哈射之請曰射雄

者乎抑雌者乎帝曰雄者一發墜其雄賊盡驚不戰而

去 又曰董俊字用章少力田長涉書史善騎射金宣

宗貞祐間橐城令立的募兵射上中者拔爲將衆莫能

弓獨俊一發破的遂將所募兵迎敵 又曰張珪少能

挽強命中嘗從其父出林中遇虎珪抽矢直前虎人立

洞其喉一軍盡歡 明大事記曰滁州之栢子潭有龍

祠水旱禱之輒應上因滁旱彎弓注矢立潭西祝曰吾
與神約三日必雨連發三矢而還後三日果大雨開
國臣傳曰常遇春猿臂善射元兵五萬陣洛水遇春單
騎突之敵攢槊來刺遇春發一矢殪當先者大呼而入
敵遂潰又曰上欲廢孟子配享且命金吾射之刑部
尚書錢唐坦胸受射曰得爲孟子死足矣上見其誠懇
命太醫療射紀事本末曰張忠許泰領京邊軍討宸
濠餘黨較射教場強巡撫王守仁射故不得已應之忠

泰笑守仁乃三發三中北軍皆驚歎 列朝詩集小傳
曰北地李夢陽罷歸家居賓從日進間從汲雒少年射
獵繁吹兩臺間 又曰揚州王醇從季父游長安會麻
大將軍大閱將士醇輕裘快馬馳突演武場引弓破的
矢矢相屬大將軍欲舉以冠一軍醇笑謝曰家本書生
聊用遊戲耳

射三

原繹志

明節

禮記射之爲言繹也繹者各繹己之志也 又曰天子以騶虞爲節諸侯以貍

首爲節大夫以采蘋爲節士以采蘩爲節故明其節之志以不失其事則功成而德行立

中禮

立德

又曰射者進退周旋必中禮內志正外體直又曰立德行者莫如射故聖王務焉

盡志

觀德

又曰諸侯君臣盡志於射以習禮樂又曰射者所以觀盛德

陳樂

備儀

漢書韓延壽爲東郡太守春秋鄉射陳樂揖讓

後漢

劉昆字桓公教授五百餘人每春秋鄉射常備典儀以

素木瓠葉爲俎豆桑弧蒿矢以射免首縣宰率吏屬觀之王莽以昆聚徒私行大禮僭上乃繫昆及家屬莽敗

乃有志 上功 尚書若射之有志 習射上 祭侯

獻侯

周禮射人祭侯則爲位注云祭侯獻服不氏服不氏以祭其爲位服不氏受獻之位又祭侯之

禮以酒脯醢儀禮司馬洗爵升實之以降獻獲者於侯薦脯醢設折俎俎與薦皆三祭

設醵

棲鵠

周禮司裘供射侯設鵠注鵠小鳥而難中是以中

之爲雋

又梓人爲侯廣與崇方參分其廣而鵠

居一馬上兩個與其身三下兩個半之上綱與下綱出舌尋緘寸馬張皮而棲鵠則卷以功注云方猶等也鵠

所射也以皮爲之各如其侯居侯中三分之一也兩個謂布可以維持侯者上個下個皆謂舌個或謂之舌者取其出而左右也侯制上廣下狹蓋取象於人張臂八尺張足六尺也綱所以繫侯於植者上下皆出舌一尋者亦人張臂之節也綱繩也緘籠網者舌維持侯者畫獸射兔儀禮天子熊

麋侯赤質大夫布侯畫以

虎豹士布侯畫以鹿豕

賓射

大射

周禮賓射之禮又大射

者謂祭祀時王將有郊廟之事以射擇諸侯及羣臣與鄉國所貢之士可以與祭者

五射

六

鈞

周禮六藝一曰五射注云白矢參連剡注襄尺井儀左傳顏高之弓六鈞三十斤爲鈞

五物

三正

周禮以鄉射之禮五物詢衆庶一曰和二曰容三曰主皮四曰和容五曰興舞賓射張采侯

三正而立詳上

設福

樹鏃

儀禮曰司馬出於左物之南立於所設福之南命弟子設福乃

設福於中庭南當洗東肆注福猶幅所以承筭齊矢者長如筭東肆統於賓詩四鏃既樹言中也

全

籌

乘矢

禮全籌八十注八十者畧以十耦爲正貴全數四矢

挾矢

應絃

四矢既挾史李廣爲將射見敵非十步之內度不中不發發則應絃而倒

決拾

弛張

儀禮司射適堂西袒決遂取弓於階告賓弓矢既具有司請射注云決猶開也以象骨爲之著左臂鉤絃開體

遂射韝也以韋爲之所以遂絃非射時則謂之拾拾斂也禮一張一弛

審固

引彊

禮心

平體正持弓矢審固然後可以言中史周勃材官引強注能引強弓弩官也

射法

射戲

周禮以射法治射儀
李廣與人居則畫地爲軍陣射濶狹以飲專以射爲戲也

烹狗 賭

牛

禮射大夫與公士爲賓不宿戒其牲烹狗於堂東方注祖陽氣之左方世說新語王凱有牛名八百里

駁常莖其蹄角王濟與對射賭之凱矜恃其能令濟先射一發破的因據胡牀叱左右速探牛心來一割便去

射麋 射鳥

左傳射麋麗龜 羿射中九鳥

大獲 賢獲

儀禮獲者坐而

獲射者中則大言獲舉旌以宮偃旌以商注獲得也是以中爲獲也宮爲君商爲臣聲和律呂相生也司射

復位釋獲者遂進取賢獲勝黨之算也

釋獲

數獲

儀禮司馬命去侯獲者許諾司馬降

釋弓反位司射猶挾一个去扑與司馬交於階前升請釋獲於賓司射北面曰不貫不釋上射揖司射反位釋獲者坐而釋獲每一個釋一算上射於右下射於左有餘算則反委之注釋算也不貫不中也司馬降釋弓

反位弟子委矢如初大夫之矢則兼束之釋獲者東面於中西坐先數右獲二算爲純一純以取實於左手十純則縮而委之有餘純則橫於下一算爲奇奇則又縮諸純下注純猶全也耦陰陽縮從也於數者東西爲從南北爲橫

舍算

視算

周禮舍讀曰釋凡射事飾中舍算執其禮事中以盛算舍謂設算於

中以待射時而取之中則釋之司射視算

善息

絕倫

史養由基善射百發百中人皆

曰善有一人曰可教矣由基怒客曰非能教子支左屈右也夫去柳葉百步而射之百發百中不以善息少焉氣衰力倦弓撥矢鉤一發不中百發盡廢下見平射論

增三射

九射

射義疏曰凡天

子諸侯及卿大夫禮有三射一爲大射二爲賓射三爲鄉射司馬光九射格曰九射之格其物九爲一大侯而寓以八侯熊當中虎居上鹿居下雕雉猿居右雁兔魚居左而物各有籌射中其物則視籌所在而飲

平射 正射

後魏書曰奚康生洛陽人少驍武彎弓十石矢異尋常魏宣武聞之故作大弓兩張

長八尺把中圍尺有二寸箭麓如今之長笛送與康生康生便集文武用之平射猶有餘力觀者以爲絕倫

漢書匡衡傳曰聖王正射嚴恪臨衆之儀也

分射 留射

後魏書曰南平王渾好弓馬射

鳥輒歷飛而中之日射免得五十頭太武常命左右分射勝者中的籌滿詔渾解之三發皆中帝大悅器其藝

能常引侍左右晉書曰江州刺史庾悅隆安中爲司徒長史曾至京口劉毅時甚宴先就府借東堂與親故出射而悅與僚佐後來奪其處毅告之曰毅輩述否之人合一射甚難君於諸堂並可望以今日見讓悅不許

射者皆散唯毅留射如故

博射 賭射

顏氏家訓曰世之常射爲兵射冠冕儒生多不習此

別有博射弱弓長箭施於準的揖讓升降以行禮焉北史曰魏孝文帝與中軍彭城王勰賭射左衛元遙在

騶朋內而楊播居帝曹遙射侯正中籌限已滿帝曰左衛籌足右衛不得不解對曰仰恃聖恩庶幾必爭於是箭中正帝笑曰雖養由之妙何復過是遂舉卮以賜播曰古人酒以養病朕今賞卿之能可謂古今殊也

卞射

戲射

漢哀帝紀曰帝雅性不好聲色時覽卞射注手搏爲卞北史曰拓跋順北魏常山

王遵之弟也善射初孝武在洛於華林園戲射以銀酒卮容二升許懸於百步外命善射者十餘人共射中者即以賜之順發矢即中帝大悅

射馬

射猿

杜甫詩射人先射馬畫墁錄曰房陵有獵人

射雉冠一境矢無虛發常遇猿凡七十餘發皆不能中猿乃舉手長揖而去因棄弓矢不復獵

射麋

射麋

金史曰宗雄材武驍捷常走馬射三麋已中其二復彎弓馬蹶躍而下控弦如故遂設滿步射

獲之遼史曰遼法麋岐角者唯天子得射會秋獵善爲鹿鳴者呼一麋至命奚埒克射應絃而踏上大悅

獲兔

中鳧

續世說曰唐明皇東封至加會頓時有兔起於御馬之前上引弓旁射獲之頡

利發下馬持兔舞蹈曰聖人神武超絕若天上則不知人間無也上因問飢否對曰仰觀聖武如此十日不食猶爲飽也後周書曰賀跋勝從太祖宴於昆明池時雙鳧遊於池上太祖乃授弓矢於勝曰不見公射久矣請以爲歡一發俱中因拜曰使勝得奉神武以討不庭皆如此也

斃虎

中羊

元史曰高

興少慷慨多大節力挽二石弓常步獵南陽山中遇虎跳跟大吼興神色自若發一矢斃之陳書曰慕容根善射常從行獵有一野羊立於懸崖太祖命左右射之莫有中者根求射之一發而中

傷蛇

中蛟

異苑曰宋武帝裕小字寄奴微時伐荻新洲見大蛇長數丈射之傷明日復至洲裏聞有杵臼聲往

視之見童子數人皆青衣擣藥問其故荅曰我王爲劉寄奴所射合散傳之帝曰王神何不殺之荅曰劉寄奴

王者不死不可殺帝叱之皆散仍收藥而返又曰永陽人李增行經大溪見二蛟浮水上發矢射之一蛟中馬增歸因復出市有女子素服銜淚持所射箭增怪而問焉女答曰何用問焉爲暴若是便以相還授矢而滅增惡而驟走未至家暴死於路

正己

平志

射義曰射者仁之道也求諸正己已正而後發

中論曰

侯道

耦次

周禮司裘注曰所射正謂之侯者天子中之則能服諸侯

射以平志

諸侯以下中之則得爲諸侯侯中之大小取數於侯道虎九十弓熊七十弓豹麋五十弓周禮曰射則張耦

次注大射曰遂命三耦取弓矢於次

服猛

養勇

又鄭司農注云方十尺曰侯四尺曰鵠二

尺曰正四寸曰質鵠小鳥而難中是以中之爲雋用虎熊豹麋之皮示服猛也李呈芬射經曰手強而弓弱

是謂手欺弓弓強而手弱是謂弓欺手余所交遊之友有能引滿數十力弓者其所常習無過九力之弓所以

養勇也

設豐

拂矢

儀禮曰司射適唐西命弟子設豐注將飲不勝者豐形似豆而卑

唐志曰射日皇帝服武弁文武官公服引入樂作如元會儀千牛將軍北面張弓以袂順左右隈左執附右執

箭以進千牛郎將以

釋弣

揚解

詩曰柳釋弣忌抑鬯弓忌射義曰

巾拂矢一一供御

孔子射於矍相之圃又使

龍旻

狸步

鄉射記曰於竟則虎

公罔之裘序點揚解而語

中龍旻周大射疏曰大射諸侯禮謂之司射天子謂

之射人若王大射則以狸步張三侯注狸步謂一舉足

爲一步狸善搏

八彛

六尊

漢書曰陳敬王羨薨子思王鈞立多不法行天

者也其發必獲

子大射禮注高慎諫國相曰諸侯射豕天子射

熊八彛六尊禮數不同奢僭之漸不可聽也

納器

祈爵

儀禮曰鄉射命弟子納射器詩曰發彼有的以祈爾爵

入筭

靡消

射經

曰左手第二指緊控箭筈大指捻筈當心前手就後手撈籐入筈 又曰矢在弓右視在箭左箭發則靡其弣

厭其肘

較獲

決訟

北齊書曰斛律羨及光並工騎射少時好獵父金命子孫會射

仰其腕

而觀之曰明月豐樂用弓不及我諸孫又不及明月豐樂每出畋遊即較所獲光獲雖少必麗龜達腋羨雖多非要害之所光嘗蒙賞羨或被捶人問之曰明月必背上著豐樂隨處即下手數雖多去兄遠矣 韓子曰李悝爲魏文侯上地守欲民善射下令曰訟有狐疑者令射的能中者勝民皆疾習射及與秦人戰大敗之以皆善射 故也

角勝

殿後

宋史曰沈括至延州命廐市良家子馳射角勝有軼羣者自起酌酒

勞之邊人驩激執弓傳矢唯恐不得進越歲得徹札超乘者千餘皆補中軍 明紀事本末曰燕師至東昌爲盛庸等所敗燕王數危甚輒短兵接戰王騎射尤精獨以一騎殿後追者不敢近

冠軍

溢

的唐書田頌傳安仁義以善射冠軍中開門闕先告所當中然後射之酉陽雜俎曰徐敬業射必溫的

賜金遺馬

後魏書曰元庫汗爲羽林中郎從駕北巡有兔起於乘輿命庫汗射之應弦而

斃太祖大悅賜金以旌其能宋史曰郭稹字仲微仁宗康定元年使契丹告用兵西鄙契丹厚禮之與同出觀獵延稹射一發中走兔契丹主遺以所乘馬及他物甚厚落雁墮鵠隋書曰

京兆杜陵人也見羣飛雁曰請射行中第三雁射之應弦而落三軍莫不悅服後魏書曰孝武即位諸蕃并遣使朝貢帝臨軒宴之有鵠飛於殿前帝素知竇熾善射因欲誇示遠人乃給熾御箭命射之鵠應弦而落

洞盾中鞍

吳志注曰魯肅南徙州追騎至肅自植盾引弓射之矢皆洞貫騎度不能制乃

相率還五代史陸思鐸以善射知名射中莊宗馬鞍

懸莎

分竹

周書豆盧寧字永安

嘗與梁企定遇於平涼州相與肄射乃相去百步懸莎草以射之七發五中企定服其能贈遺甚厚語林曰

宣宗幸苑中回顧仗外舍屋際有倚竹一竿去御馬百步外帝曰朕以法制威天下而連年兵不解今射此竹

卜其濟否攘袖挽弓一發洞其竹分而爲二矢貫於外左右呼萬歲賀於馬前插蔗帖梅

齊春秋曰宜都王鏗太祖第十六子善射嘗取甘蔗挿地百步射之十發十中天中記曰齊柳惲嘗與琅邪

王瞻博射嫌其皮濶乃摘梅帖烏珠之上發必命中觀者驚駭開堂闢圃詞林海

郊爲溧陽尉開射鴨堂東坡詩亦云已作觀魚檻還開射鴨堂大政記洪武二十五年令國子監闢射圃賜

諸生雙鞬兩鞬晉書載記曰劉曜圍陳安於隴城弓矢安突圍而出近則刃矛俱發輒害

五六遠則雙帶兩鞬左右馳射左傳曰衛獻公出奔初尹公他學射於庾公差庾公差學射於公孫丁二子

追公公孫丁御公子魚曰射爲背師
不射爲戮射爲禮乎射兩鞫而還

望雲看月

海錄

碎事射詩云百步望雲立九規
看月張敘神堯皇帝之射也

搏矢折弓

莊子曰
吳王浮

乎江登乎狙之山衆狙見之恂然起而走逃於深莽有
一狙焉見巧於王王射之敏給搏捷矢王命相者趨射
之狙執死王顧謂其友顏不疑曰之狙也伐其巧恃其
便以傲予以至此殛也戒之哉
宋史曰竇舜卿字希

元仕宋神宗爲青淄路都監使契丹主客馬祐言昔先
公客省善射君當傳家法置酒請射舜卿發輒中祐使

人持二弓示
之一挽皆折

力定

手熟

續說郭威將軍繼光云對
敵射箭惟膽大力定勢險

節短則人莫能避矣
金坡遺事曰陳堯咨善射亦以
自矜嘗射於家園有賣油翁釋擔而睨之久不去見其
發弓十中八九但微頷之問曰汝亦知射乎吾射不亦
精乎翁曰無他但手熟耳陳忿然曰爾安敢輕吾射翁

曰以我酌油知之乃取一葫蘆置於地以錢覆其口徐以杓酌油澀澀自錢孔入而錢不濕因曰我亦無他唯手熟爾陳

有禮

無欲

禮曰工尹商陽與陳弃疾追

笑而遣之陽曰王事也子手弓而可射諸射之斃一人又及又斃二人止其御曰朝不坐燕不與殺三人足以反命矣孔子曰殺人之中又有禮焉符子曰夏王使羿射於方尺之皮徑寸之的乃命羿曰子射之中則賞子以萬金之費不中則削子以十邑之地羿容無定色氣戰於胸中乃援弓而射之不中更射之又中夏王謂傳彌仁曰斯羿也發無不中而與之賞罰則不中的者何也傳彌仁曰若羿也喜懼爲之災萬金爲之患矣人能遺其喜懼去其萬金則天下之人皆不愧於羿矣夏王曰人聞子之言始得無欲之道

原威天下

爲諸侯

易弦木爲弧刻木爲矢弧矢之利以威天下蓋取諸睽禮諸侯貢士於天子天子試之

射宮其容體比於禮其節度比於樂中多者得與祭而君有慶少者不與祭而君有讓慶者益地讓者削地故曰射者射

爲諸侯也

不出正

不主皮

詩終日射侯不出正兮子曰射不主皮爲力

不同

引猿臂

控鳥號

增射瀆水

射的山

明王穉登

雨航記曰出金閭十里曰楓橋楓橋十里曰射瀆水相傳始皇射於此

事見上文水經注

穿戟

支

中鉞竇

英雄記曰袁術遣將紀靈率步騎三萬攻劉備呂布遣人招備并請靈等饗飲謂靈

曰布性不喜合鬪但喜解鬪耳乃令直戟於營門彎弓曰諸君觀布射戟小支中者當解兵不中留決鬪布一發中戟支遂罷兵
吳越史天成中有蕃使假道來聘仍以弧矢大誇於吳人武肅王宴之於龍山擊場酒酣因以金鉞置射柵之上命蕃使射之蕃使一發中鉞之竇武肅王使崔詢曰汝能賽之乎詢曰願假王威德請

兼中嘴實以勝王遂授以親箭二一發中餅之實再發中餅之嘴蓄使慙服

殪三鹿貫

雙鷗

魏畧曰成公英從太祖出獵有三鹿走過命英射之三發皆應弦而倒

隋書長孫晟傳云周宣帝

時突厥請婚遣晟副汝南公送公主有二鷗飛而爭肉晟彎弓馳往遇鷗相攫一發雙貫焉

挽彊

手射生手

金史曰李成勇力絕倫能挽弓三百斤宣和初試弓手挽強異等累官淮南招討使

唐書曰李寶臣善騎射嘗覘敵射六人盡殪從安祿山入朝留爲射生子弟

連尹射盤

馬射

春秋正義曰屈蕩爲連尹服虔云連尹射官言射相應屬也 玉海曰宋熙寧間臧景言馬射六事

一曰順鬃直射二曰背射三曰盤馬射四曰射親五曰野戰六曰輪弄

隱牆射刻木

射

左傳曰吳子諸樊伐楚以報舟師之役門于巢巢牛臣曰吳王勇而輕若啓之親門我獲射之必殪是君

也死疆其少安從之吳子門馬牛臣隱於短牆以射之
五色線云後漢時苗嘗爲壽春令謁治中蔣濟辭不
見納醉後苗歸而刻木書曰酒徒蔣
濟以弓矢射之蔣聞之亦不能制

畏神箭

引勁

弓

外史檮杌曰蜀王建次子元膺善射翰林學士毛文
錫作賦美之元膺曰窮措大畏此神箭否 玉海曰

宋至道元年令衛士數百射於崇政殿庭先是上賜李
繼遷勁弓三皆力及一石六斗繼遷意非有人能挽也
至是士皆引滿平

殪野馬

獲豪豬

後周書曰齊王
憲子貴年十一

從憲出獵於鹽州圍中手射野馬及鹿一十有五 遼
史曰耶律威喇趨捷有力善騎射車駕獵頡山適豪豬
伏叢莽帝射中豬突出御者托滿
捨轡而避威喇復射斃之帝嘉賞

射黃羊

斃蒼虎

金史曰完顏思敬體貌雄偉年十一從太祖獵詔射黃
羊獲之 歷代名畫記曰唐貞觀間鄠杜有蒼龍爲患

天皇引驍雄千騎取之號王元鳳太宗之弟也彎弓三十鈞一矢斃之各閣立本寫貌以旌雄勇

袒

朱襦

擲畫毬

儀禮曰君與射則爲下射袒朱襦樂作而后就物

五代史曰王建次子元膺

能射錢中孔嘗自抱畫毬擲馬上馳而射之無不中

中牙簪

穿鐵簾

後魏書曰胡太

后親覽萬機手筆斷決幸西林園法流堂命侍臣射不能者罰之又自射針孔中之大悅賜左右布帛有差又幸闕口登雞頭山自射象牙簪一發中之玉海曰宋淳熙二年後苑觀射上曰近來諸軍射藝頗精每射訖

上親視所中箭多寡并射

貫松牌

射柳枝

元史曰張庭瑞

入鐵簾淺深資賜有差

字天表仕元世祖爲諸蠻夷部宣慰使時叛蠻善飛鎗聯松枝爲牌自蔽行省命庭瑞討之庭瑞所射矢出其牌半簾蠻驚曰何物弓矢如此之力即請服玉海曰宋嘉祐間上設燕瓊林苑觀衛士射柳枝

曲

臺禮

射宮詩

又曰漢大射曲臺博士行大射禮

又

近臣言及大射投壺鄉飲酒之禮

因命直館各賦射宮五言六韻詩

大射圖

神射式

又曰宋淳化五年中書門下獻大射圖自周官射禮及開元開寶禮斟酌損益草定其儀大約如朝謁元會之禮

射親

又曰宋朝神射式一卷王德用分拽弓遣箭去病四類又劉懷德以所聞德用射法之要分爲十篇

爲射法

一卷

開畫埽

習丹墀

王子年拾遺記曰石虎開馬埽射場周迴四百步皆

文石丹砂及彩畫於埽傍聚金玉錢貝之實以賞百戲之人

大政記曰洪武二十年閱武午門外仍令將軍

衛士日習射

於門內丹墀

引大黃

休深瞿

列朝詩集小傳曰明萬厯間倭犯朝鮮劉

黃裳贊畫宋司馬軍事擊倭平壤城追奔貫陣引大黃射金甲酋逾釜山島而還

穆天子傳曰仲冬丁酉天

子射獸休
於深窳

洞犂耳 中帶鉤

前秦錄曰苻琳堅之第
五子也有文武才藝引

弓五百斤射洞犂耳
王充論衡曰
管仲與桓公爭引弓射之中其帶鉤

貫童髻 中刀

宋史曰楊守珍學兵家方畧善射家童過堂下一發
貫髻人服其精
晉書載記慕容翰奔還本國有勁

騎百餘追之翰遙謂之曰吾既思戀而歸理無返面吾
之弧矢汝曹足知無爲相逼自取死也吾處汝國久誓
不殺汝可百步豎刀吾射中汝便宜返不中可
前也諸騎解刀豎之翰一發中鏤追騎乃散
中鷺

目 中鵝毛

唐書石雄徐州人初討劉稹水次見白鷺
謂衆曰使吾射中其目當成功一發遂中

之帝下詔褒美
天寶遺事曰羽林將劉洪善騎射常
對御使人於風中擲鷺毛洪連箭射之無有不中帝賞

賜厚 洞門闔 貫甲楯

酉陽雜俎曰太宗虬髯嘗戲
張弓挂矢好用四羽大奇長

常箭一膚射洞門闔遼史曰遼阿古只

原五采張

侯 一矢復命

考工記梓人張五采侯此五正之侯也五正者朱中次白次蒼次黃次元其侯

之飾又以五采畫雲氣焉其三正者去玄黃二正去白蒼而畫朱綠左傳楚王召養由基與之兩矢使射呂

錡中項伏弢以一矢復命

君臣合射

父子爲鵠

禮爲人父者以爲父鵠爲人子

者以爲子鵠言各思念已之鵠而射之中則得父子之道

男子之事

君子之爭

禮子曰君子無所爭必也射乎揖讓而升下而飲其爭也君子

虎中鹿中

白羽

朱羽

周禮君於國射則皮樹中於郊閭中於境虎中大

夫兕中士鹿中天子之中未聞白羽與朱羽糝

於郊謂主皮也

飾以禮樂

獲以翻旌

王制曰在郊閭中各以其物獲士鹿中翻

旌以獲注間中獸
角也似牛一角

順羽而興

舍拔則獲

儀禮執矢之禮詩

矯矢猿啼

引弓雁落

由基庚羸

以燕以射

如拒如

附

詩射之手也

獲者倚旌

獲者執旌

儀禮司馬又命獲者倚旌於侯中注

爲當負侯也

司馬又命獲者執旌以負侯欲命射者見侯於旌深有志於中也

將觀盛德

必慎令儀

燕以序賓

射而選士

合射以禮

序賓以賢

決拾既飲

弓矢斯調

大侯既抗

射

夫斯同

君子必爭

賢者不失

弦不再控

矢不

虛發

增道假乎射

戲惟得財

符子曰晉之相者桓氏世傳於楚善以道

假手射焉 王昶戲論曰諸戲中唯有射者男子之事在於六藝若欲戲唯得射而已其餘不得爲也

端身如幹

直臂如枝

射經曰端身如幹直臂如枝左臂毫髮不動巧力盡用之右手

是射家極則也

垂弧之禮

探籌之法

賈誼新書曰垂弧之禮東方以梧南方以

柳中央以桑西方以棘北方以棗 九射格曰探籌之法一物必爲三籌蓋射賓之數多少不常故多爲之籌

以備

魯鼓薛鼓

常矢庫矢

周禮射節疏曰禮記投壺篇圖出魯鼓薛鼓云

取半以下爲投壺節盡用之爲射節

又司弓矢曰常矢庫矢用諸散射

猛虎方騰

封

兕欲鬪

射經曰身前竦爲猛虎方騰額前臨爲封兕欲鬪

懷中吐月

弦上

懸衡

又曰出弓梢爲懷中吐月平箭濶爲弦上懸衡

勢若追風

目如流電

王琚馬射法曰勢如追風目如流電滿開弓急放箭目勿瞬視身勿倨坐不失其馳舍矢如破

羽析

九重 殿布七埒

周官注曰九節析羽九重設於長杠玉海曰淳化大射禮酒三行有司

奏賜王公下射侍中稱制可皇帝改服武弁射於殿上布七埒於殿下自公卿大夫各有著位

苦不

虛殼 弦不空發

唐書霍王元軌從獵遇羣豕帝使射之苦不虛殼豕爲盡帝撫其背曰爾

藝過人顧今無所施方天下未定得若豈不用乎

南

史曰胡藩字道序參太尉劉裕軍事從軍關中統別軍至河東暴風漂輜重艦度北岸魏軍牽得之藩氣憤率左右十二人乘小船徑往魏騎五六百見藩來笑之藩素善射登岸射之應弦而倒者十

分曹習射 分番

許人魏軍皆退悉收所失而反

迭射

唐書田弘正軍中嘗分曹習射弘正注矢聯中宋史曰吳玠與弟璘與金人戰於和尚原選勁弩

命諸將分番迭射號駐隊矢連發不絕繁如雨注敵遂却

近郊許射 橫山獨射

唐書賈耽爲東都留守故事居守不出城以耽善射優詔許獵近郊 又薛仁貴與梁建方契苾何力遇高麗

大將溫沙多門戰橫山仁貴獨馳入所射皆應弦仆

築土試射 連營馳射 宋

曰張凝少有武勇倜儻自任太宗時領繡州刺史鄉人趙氏子以材稱凝恥居其下因挾弓與角勝負約築土百步射之凝一發洞過矢激十許步抵大樹而止觀者歎服 明紀事本末曰薛嵩齎詔至燕軍燕王乃耀武

令各軍連營百餘里戈甲旗鼓相接馳射其中使品觀之

與客同射 讓客再射

唐書曰王武俊字元英德宗時爲檢校太尉兼中書令武俊善射嘗與賓客獵一日射雉兔九十五觀者駭伏

宋史曰何灌字仲元武選登第仕徽宗時爲管幹步軍司陪遼使射玉津園一發破的再發則否客曰太尉

不能耶曰非也以禮讓客耳整弓復中之觀者嘉歎

射賊中目

射獸中鼻

唐書

曰張巡欲射尹子琦莫能辨因刻蒿爲矢中者喜謂巡矢盡走白子琦乃得其狀使霽雲射一發中左目賊還北齊書曰元景安善射孝昭嘗與功臣西園宴射侯去堂百四十餘步中的者賜良馬及金玉錦綵等有一人射中獸頭去鼻寸餘唯景安最後有矢未發帝令景安解之景安引滿中獸鼻帝嗟異稱善特又加常等

從獵獲狐

篝火待鹿

北史曰山強工騎射彎弓五石爲奏事中散從後魏獻文

獵方山有兩狐起於御前詔強射之百步內二狐俱獲除內行長

又曰余朱兆後魏太原王榮從子也少善

騎射趨捷過人莊帝時榮曾送臺使見二鹿授兆二箭令取供今食遂篝火以待之俄而兆獲其一

仰

射山阜

回射浮圖

金史曰太祖賞宴赫舍哩部南望高阜使衆射之皆不能至太祖一

發過之度所至踰三百二十步天德三年立射碑以識焉唐書曰南霽雲抽矢回射佛寺浮圖矢著輒曰吾破賊還必滅賀蘭

此矢所以志也

雀屏中目

雁臆貫錢

又曰高祖皇后竇氏

父毅常曰此女有奇相何可妄與人畫二孔雀屏間請婚者射二矢陰約中目則許之閱數十皆不合高祖最後射中各一目遂歸於帝事文類聚曰晉朱漢賓少時善射嘗與同輩出獵指一飛雁隨矢而落其鏃正中其臆臆上貫金錢有篆文示其郡之碩學皆無識者人號爲朱落雁

番象蹂陣

砮卒

墜樓

隋書劉方傳隋劉方經畧林邑王梵志遣兵守險乘巨象四面而立方以弩射象象中創却蹂其陣

因攻破之

宋史曰馬仁瑤善射挽弓二百斤仕周世

宗從征淮南至楚州攻水砮砮中建飛樓高丈餘世宗

觀之相去殆二百步樓上望卒厲聲嫚罵世宗怒

甚命左右射之遠莫能及仁瑤引滿應弦而倒

寶

劍賞能

玉帶旌勇

又曰曲珍字君玉好馳馬試劍秦鳳都鈴轄劉溫潤奇其材一日出

實劍令曰能射一錢於百步外者與之諸少年百發不能中珍後至一矢破之又錢昱字就之忠獻王佐之

長子也錢俶遣入貢於宋與江南使同侍宴射於後苑江南使先中的令昱解之昱應弦而中宋太祖賜以玉帶

金錢作的

金卮置侯

又曰濟南侯惟吉彌月太祖命輦至內庭擇二女媼

養之三歲作弱弓輕矢植金錢爲的俾之戲射十發八中帝甚奇之北史曰宇文貴仕西魏文帝在天游園

以金卮置侯上令公卿射中者即賜之文貴一發而中帝笑曰由基之妙正當爾耳

出戲馬臺

御儀鸞殿

通典曰宋武帝爲宋公在彭城九月九日出戲馬臺射會要曰貞觀十一年引五

品以上官射於儀鸞殿

賞花禁苑

賦詩華林

玉海曰宋開寶六年四月上召

皇弟開封尹鄭度石守信等賞花習射於苑中晉書曰應貞字吉甫武帝於華林園宴射貞賦詩最美

習射金鳳

閱射玉津

玉海曰宋建隆四年幸金鳳園習射又曰宋太平興國間上

每幸玉津

園閱射

賜金精盤

酌琉璃鍾

隋書曰上賜王公以下射楊素箭爲

第一上手以外國所獻金精盤價值鉅萬以賜之玉海曰宋淳熙間引輔臣使相至後苑觀步軍司弓弩手

射宴羣臣於凌虛閣下上喜飲醕命以琉璃鍾酌丞相徧及羣臣

十矢貫仗一箭

室水

宋史曰趙振遷慶州沿邊都巡檢使時金湯李欽等尤悍難制振爲置酒取細仗圍財數分植百步

外共射欽等百發不中振十矢皆貫欽等大驚誓不復敢犯又曰劉錡瀘州軍節度使仲武第九子也善射

嘗從征討牙門水斛滿以箭射之拔箭水注隨以一矢室之人服其精

中口入腹射

手貫版

陳書曰褚玠剛毅有膽畧長騎射常從司空侯安都於徐州出獵遇猛獸玠射之再發中口入

腹俄而獸斃

金史曰郭哈瑪爾與鞏州元帥田瑞攻取

會州哈瑪爾率騎兵五百皆披楮衲蔽州之南山而下夏

人猝望之以爲神城上有舉手於懸風版者蝦蟇射之與版俱貫凡射死數百人夏人震恐遂乃出降

立表百步

豎箭百步

唐書王栖曜傳栖曜善騎射始將兵時涉寇境遇游騎環合乃

規百步立表而射每射破的寇相顧懼引去後燕錄曰慕容盛行遇賊盛曰汝欲當鋒乎試豎汝手中箭百步我若中之宜慎汝命如不中當束身相投盜乃豎箭一發中之盜曰相試耳資而遣之乘六閑

馬著五色衣

唐書兵志貞觀中擇馬射爲百騎衣五色袍乘六閑馬爲游幸翊衛

米

信勇悍宗雄輕健

宋史曰朱信少勇悍以善射聞平揚州日信執弓矢侍上側有游騎

將迫乘輿射之一發而斃金史曰宗雄方逐兔達蘭亦從後射之已發矢達蘭大呼曰矢及矣宗雄反顧以手接其矢就射免中之其輕健如此

落鵑都督射鵑都將

北齊書曰斛律光嘗

從文襄校獵雲表見一大鳥射之正中其頸形如車輪旋轉而下乃鵑也邢子高歎曰此射鵑手也當時號落鵑都督後魏書曰元幹善弓馬太宗出遊白登之東北幹從有雙鵑飛於上太宗命左右射之莫能中幹自請射之以二箭下雙鵑

君謨齧鏑

李遠沒鏑

朝野僉載

曰隋末有啗君謨善射有王靈智者學射於君謨以爲曲盡其妙欲射殺君謨獨擅其美君謨時無弓矢執一短刀矢來輒截之末後一矢君謨張口承之遂齧其鏑笑曰汝學射三年未教汝齧鏑法周書李遠嘗校獵於莎柵見石於叢薄中以爲伏兔射之而中鏑入寸餘就而視之乃石也周文聞而異之賜書曰昔李將軍廣

親有此事公今復爾可謂世載其德雖熊渠之名不得獨擅其美

箬鏑連墜 鏑首

忽穿

宋史曰宋太宗時康保裔善騎射嘗握矢三十引滿以射箬鏑相連而墜人服其妙 天中記曰唐

莊宗時薛昭文使福州假道江西劉信出勞之謂曰亞次聞有信否昭文曰天子新有河南未熟公名也信曰漢有韓信吳有劉信君還其語亞次當來較射於淮上也乃酌大卮望牙旗鏑首百步謂昭文曰一發而中願以此卮爲壽否則以此自罰言訖而箭已穿矣

豎襄射鵠

熙古射鶚

國語曰晉

平公射鵠不死使豎襄搏之失公怒拘將殺之叔向聞之夕君告之叔向曰君必殺之昔吾先君唐叔射兕於徒林殪以爲大甲以封於晉今君嗣吾先君唐叔射鵠不死搏之不得是揚吾君之恥者也君其必速殺之勿令遠聞君忸怩顏乃趣赦之 宋史曰劉熙古善騎射有鷄集戟門槐樹孫鐸惡之投以瓦石不去熙古引弓

一發貫鶚於樹鐸喜
令勿拔矢以旌其能

文固射雉

海陵射鳥

西京雜記曰茂

陵文固陽善馴野雉爲媒用以射雉每三春之月蒞障
自翳用雉矢以射之日連百數茂陵輕薄者化之皆襍
實錯厠翳障以青州蘆葦爲弩矢輕騎妖服追隨於道
路以爲歡娛 金史曰海陵射鳥翰林應奉楊伯仁獻

獲鳥詩
以諷

崔彭射鵠

裴旻射彪

隋書崔彭仕隋文帝
加開府遷備身將軍

上嘗宴達頭可汗使者於武德殿有鵠鳴於梁上命彭
射之中上大悅賜錢一萬 山堂肆考曰唐裴旻守北
平多虎旻善射一日得虎三十一休山下有父老曰此
彪也稍北有真虎使將軍遇之且敗旻不信怒馬趣見
虎出叢薄中小而猛據地大吼旻
馬辟易弓矢皆墮自是不復射

蔣山射獸

天池

射魚

隋書曰韓洪平陳之後授行軍總管晉王大獵於
蔣山有猛獸在圍中衆皆懼洪馳馬射之應弦而

倒陳氏諸將莫不歎服焉唐鄭常洽聞記曰汾陽有
天池在燕京山上後魏孝文帝以金珠穿魚七頭於池
放之後於桑乾原獲穿魚猶爲不信及以金縷拖
羊箭射著此魚又於桑乾河得所射箭乃信焉 叢

覽負土

飛雉集庭

玉海曰孫樵云嘗入太學見叢覽
負土而起就視得石刻乃射堂舊

址 漢書五行志曰鴻嘉二年三月博士
行大射禮有飛雉集於庭歷階登堂而雉

一發輒中

再發皆中

隋書曰突厥入朝隋文賜射突厥一發中
的上曰非賀若弼無能當此乃命弼弼再

拜祝曰臣若赤誠奉國當一發破的如其不然發不中
也既射一發而中上大悅又五代史曰晉高祖起太
原使張穎陰招安重榮母與兄皆以爲不可重榮業已
許矣母兄謀共殺穎陰以止之重榮曰未可吾當爲母
卜乃立一箭百步而射之曰石公爲天子則中一發輒
中又立一箭而射之曰吾爲節度使則中一發又中其

母兄乃與重榮叛入太原高祖
即位拜重榮成德軍節度使

三發連中

四發三

中

玉海曰唐肅宗初爲忠王嘗與諸王射苑中矢三發連中的觀者以爲神宋史曰向寶善騎射仕宋爲

嘉州團練使嘗至太原梁適射弩再中的授寶矢解之四發三中適曰今之飛將也神宗稱其勇以比薛仁貴

四發四中

七發七中

又曰李繼勳太祖時鎮河陽詔署李處耘以右職繼勳初

不爲禮因會將吏宴射處耘連四發中的繼勳大奇之令升堂拜母稍委郡務玉海曰宋太祖召符彥卿等

習射帝七發皆中的

十發十中 百發百中

後漢書曰陳王

彥卿等進馬稱賀

寵善射十發十中中皆同處北齊書曰皮景和琅邪

下邳人也高祖曾令和射一豕一箭而獲深見嗟賞及

周通好之後冠蓋往來常令景和對接

每與使人同射百發百中甚爲推重

乘馬射鹿

旋馬射虎

遼史曰達里塔有膂力善馳射太祖思鹿醢解醒問能取者達里塔曰臣能取之乘內廢

馬逐鹿得其一欲復射馬跌而斃達里塔躍而前弓猶不弛復獲其一帝歡甚曰吾弟萬人敵也元史曰博

特音爲信陽府達魯噶齊地多虎一日以馬褊置鞍上出獵虎出走博特音以褊擲虎虎搏褊據地而吼博特

音旋馬視虎射之虎立死

馳馬射帖

走馬射飛

梁書曰蕭琮字溫文後梁明帝

之子昭明曾孫也博學有文義又兼善弓馬遣人伏地持帖琮馳馬射之十發十中持帖者亦不懼北史曰

琅邪郡公賀拔勝尤工武藝走馬射飛十中其五六

曲臺習肄

辟雍舉行

巾車三乏

司裘五正

設豐設幅

執弣執簫

狸

步是分

虎侯是辨

唐弓九合

夏箭三成

雪鶴

銜箭 星麟集絃 原控弦而獸伏 屬羽而鳥下

增錫宴金明池

張樂水心殿

玉海曰宋雍熙三年四月幸金明池觀水戲因

習射上中的五賜從官飲

又曰宋雍熙間上幸新驥院迺近臣宴後苑上臨池釣魚遂御水心殿張樂

習射飲

卬山射猛獸

錢塘射怒潮

晉書曰楊濟遷太子太傅有才

從官酒

藝常從帝校獵北卬山與侍中王濟俱著布袴褶騎馬執角弓在輦前猛獸突出帝令王濟射之應弦而倒須

臾復一出濟受詔又射殺之

宋吳僧贊寧傳載畧曰

武肅王欲於錢塘築堤苦爲怒濤所擊王憤發於疊雪

樓架三千弓弩射

三發中三人

四發殪四豕

元史曰穆

之潮頭爲之斂去

呼哩猿臂善射一日太祖從三十餘騎行谿谷間寇自林中突出矢下如雨穆呼哩引弓射之三發中三人寇

遂引去 大唐新語曰太宗射猛獸於苑內有羣豕突出林中太宗引弓射之四發殪四豕有一雄豕直來衝馬唐儉下馬搏之太宗拔劍斷豕顧而笑曰天策長史不見上將擊賊耶何懼之甚儉對曰漢祖以馬上得之不以馬上理之陛下以神武定四方豈復逞雄心於一獸太宗善之因命罷獵 七矢平獠洞

三箭定天山

唐書馮盎傳羅賓諸洞獠叛詔令盎率衆二萬爲諸軍先鋒時賊據險不可攻

盎持弩語左右曰盡吾此箭可知勝負發七矢斃七人又薛仁貴傳時九姓衆十餘萬令驍健數十來挑戰仁貴發三矢輒殺三人餘皆請降軍中歌曰將軍三箭定天山壯士長歌入漢關 附枝觀體

定 杯水觀心平 原貫蝨心於三年 穿楊葉於百

步 增弧矢肇於黃帝 射侯見於虞書 貞觀武德

之儀 開元安福之制 始睽畫而取象 終并儀以

奠名 原算獲者負侯而侯

釋獲者執餘而侯

獲而未釋

其算獲者執旌許諾聲不絕以旌負侯而侯侯弟子取矢以旌指教之

卒射釋獲者遂以所執餘獲升告卒

射反位坐委餘獲於中西興共而侯

將軍射虎以宣威

大夫射雉而

取笑 增祈爵而發彼有的

得祭而益乎爾地

原

三年之妙雖貫蝨心

五善之容何乖貍首

考繹志

之文不專貫革

稽和容之善寧有主皮

行其燕禮

以明君臣之義

射於澤宮以觀禮樂之節

發必循

聲既合采蘋之節 中則破的何慙穿葉之能 增進
退周旋仰先王之彞訓 升降揖讓合君子之令儀
的暈重圓張三侯而興武 翔雲互綵齊六耦以獻功
擅百發之能隼必獲於墉上 臻五善之妙雀無全
乎彀中 赤羽連飛極破竹懸莎之巧 雕弧虛引有
吟猿落雁之奇

射四

增射鹿林中

穆天子傳曰仲秋丁巳天子射鹿於林中
乃飲於孟氏爰舞白鶴二八還宿於雀梁

射鳥獵獸

又曰天子四日休於獲澤於是射鳥獵獸

出質唱善

劉向說苑曰齊

景公飲諸大夫酒公射出質堂上唱善若出一口公作色太息播弓矢

江渚射兕

又曰楚共

王獵江渚之野堊火之起若雲蜺虎狼之嗥若雷霆有狂兕從南方來正觸王左驂王舉旌旄而使善射者射之一發兕死車下王大喜拊丁而笑

積射士

海錄碎事漢書云發積射士注積與迹同言尋迹而

射之

佩鞞

劉向說苑曰能射御者佩鞞

牽弓滿鏑

搜神後記晉中興後譙郡

周子文少時喜入山射獵忽山岫間有一人長五六丈手捉弓箭箭鏑廣二尺許白如霜雪忽出聲喚曰阿鼠子文不覺應曰諾此人牽弓滿鏑向子文子文便失魂厭伏

拔箭墮地

玉匣記曰僧悟空在

江外見一猿坐樹杪弋人伺其便射之正中母腹母呼其雄至付子已哀鳴數聲乃拔箭墮地而死射者折矢

棄弓誓
不復射

中青綃

揮塵後錄昭靈侯南陽張公諱路斯唐景龍中爲宣城令罷歸常釣於焦

氏臺之陰一日顧見釣處有宮室樓殿遂入居之自是夜出旦歸歸輒體寒而溼夫人驚問之公曰我龍也夢人鄭祥遠者亦龍也與我爭此居明日當戰使九子助我領有絳綃者我也青綃者鄭也明日九子以弓矢射青綃者中之怒而去投於合淝之西山以死爲龍穴山

兩手擎空

天中記曰唐宋國公蕭瑀

不能射太宗賜射俱不著堞歐詢作詩嘲曰急風吹緩箭弱手馭強弓欲高番覆下應西復更東十迴俱著地兩手併擎空借問誰爲此多應是宋公後帝見此詩謂蕭瑀曰此乃四十字章疏也由是與詢有隙

長

弓短箭

又曰張元一滑稽善謔時西戎犯邊則天欲諸武立功因行封爵命武懿宗統兵以擊之寇未

入塞懿宗始逾郊畏懦而遁懿宗短陋元一朝之曰長弓短度箭蜀馬臨高蹕去賊七百里隈牆獨自戰忽

然逢著賊騎猪向南趨則天聞之初未悟曰懿宗無馬耶何故騎猪元一解之曰騎猪者是夾豕走也則天乃

大笑俱三十步又曰唐殿中內供奉盧虞與李畬俱非

不及堞而墜互言其工拙畬戲曰畬與盧箭俱三十步左右不曉畬曰畬箭去堞三十步盧箭去身三十步歡

笑久之怒馬得鵲宋文鑑方山子傳方山子使酒好劍

使騎逐射之不獲方山子怒馬獨出一發得之出郊較射列朝詩集本傳常

馳馬出郊與侯家子弟俠少年較射問知輕弓駿馬

又方山子鄭作往來梁山間時從俠少年輕弓駿馬射獵大梁藪中獲雉兔則獻石火炙腥肥悲歌痛飲垂鞭

而去射獵熊山又明嘉靖間光州劉繪好擊劍楚鞠挽六鈞弓與俠少年射獵熊山下晚年尤

酷好
擣蒲

射五

增詩周大射貍首詩曰今日大射四正具舉大夫君子
凡以庶士小大莫處御於君所以燕以射則燕則譽質
叅既說執旌既載于侯既抗中獲既置弓既平張四侯
既良決拾有常既順乃讓乃揖乃讓乃躋其堂乃節其
行既志乃張射夫命射射者之聲御車之旌既獲卒莫
嗟爾不寧侯爲爾不朝於王所故亢而射汝強食食爾

曾孫侯氏百福

魏劉楨射鳶詩曰鳴鳶弄雙翼飄飄

薄青雲我后橫怒起意氣凌神仙發機如驚焱三發兩

鳶連流血灑牆屋飛毛從風旋庶士同聲贊君射一何

妍 晉應貞華林園宴射詩曰於時肆射弓矢斯御發

彼五的有酒斯飫 原梁元帝落日射熊詩曰促宴引

枚鄒中園觀獸侯日度棚陰廣風橫旗影浮移竿標入

箭疊鼓送爭籌附枝時可息言從清夜遊 周庾信北

園射堂詩曰軒堂聊可習仙的不難登轉箭初調筈橫

弓先望堠驚心一雁落連臂兩猿騰直知王濟巧誰見
魏舒能空心不死樹無葉未枯藤擇賢方至此傳庖欣
得朋 增唐張說玄武門侍射詩曰射觀通玄武闕兵欄
闕御筵雕弧月半上畫的暈重圓羿后神幽贊靈王法
暗傳貫心精四返飲羽妙三連雪鶴來銜箭星麟下集
弦一逢軍宴合萬慶武功宣 韋應物始建射侯詩曰
男子本懸弧有志在四方虎竹忝明命熊侯始張皇賓
登時事畢諸將備戎裝星飛的屢破鼓譟武更揚曾習

鄒魯學亦陪鴛鴦翔一朝願投筆世難激中腸 李益

觀騎射詩曰邊頭射雕將走馬出中軍遠見平原上翻

身向暮雲 耿漳觀西營秋射詩曰謝公親校武草碧

露漫漫落葉停高駕空林滿從官迎籌皆疊鼓揮箭或

移竿名借三軍勇功推百中難主皮山郡晚飲算柳營

寒明日開鈴閣新詩雙玉盤 戎昱觀衛尚書射破的

詩曰盛宴傾黃菊殊私降紫泥月營開射圃霜旆拂晴

霓出將三朝貴彎弓五善齊腕迴金鏃滿的破綠弦低

勇氣干牛斗歡聲振鼓輦忠臣思報國更欲取關西

韓愈雉帶箭詩曰原頭火燒靜兀兀野雉畏鷹出復沒
將軍欲以巧伏人盤馬彎弓惜不發地形漸窄觀者多
雉驚弓滿勁箭加衝人決起百餘尺紅翎白鏃隨傾斜
將軍仰笑軍吏賀五色離披馬前墮 宋韓琦後園宴

射詩曰花梢點紅芽綠茁宴亭爽塏棚雲列呼賓習射
次序升體裁人人矜勇控六鈞力副百中藝由基注目
老羿拽支左屈右何太工象弭急收如列缺須臾一鏑

入鵠心畫鼓連鞀盡聲唱後者審固意愈精有時大呼

劈箭苦惜哉最是毫釐差彩侯似動竒微撇分明角勝

各記暈將終或爲一箭奪當筵主籌令難犯大白時舉

出正罰此禮自古尤所重矍圃去留宜有別五善大抵

主和容不止穿楊與穿札 劉克莊觀射詩曰浪箭束

如林傍觀笑不禁蠻平無事久卒情可憂深各自分牛

鬻何曾貫蝨心种侯青澗缺能費幾黃金 明王直射

柳詩曰楊柳綠含滋琯弓縱射時向風飛白羽和露折

青絲輦路晴光動旌門午漏遲營前撾鼓急捷報萬人
知

增歌魏曹植樂府歌曰控弦破左的發矢摧月支仰手
接飛猱俯身散馬蹄 又曰鬪雞東郊道走馬長楸間
驅馳未能半雙兔過我前攬弓挾鳴鏑長驅上南山左
挽因右發一縱兩禽連餘巧未盡展仰手接飛鳶觀者
咸稱善衆工歸我妍 隋大射登歌曰道謚金科照時
人玉條明優賢饗禮洽選德射儀成鑾旗鬱雲動寶戟

儼天行巾車整三乏司裘飾五正鳴球響高殿華鍾震
廣庭烏號傳昔美淇衛著前名揖讓皆時傑升降盡朝
英附枝觀體定杯水覩心平豐觚既來去燔炙復縱橫
欣看禮樂盛喜遇黃河清

增行元迺賢答祿將軍射虎行曰信陽郭外山嵯峨長
林大谷青松多白額於菟踞當道城邊日落無人過將
軍聞之毛髮豎拔劍誓天期殺虎彎弓走馬出東門傾
城來看誇豪武猛虎磨牙當路嗥目光睒睒斑尾搖據

鞍一叱雙背裂鳥飛木落風蕭蕭金弰琯弓鐵絲箭滿
月弦開正當面鵬翎射沒錦毛摧崖石崩騰腥血濺萬
人歡笑聲震天剖開一箭當心穿父老持杯馬前拜祝
公眉壽三千年

增曲唐李商隱射魚曲曰思牢弩箭磨青石繡額蠻渠
三虎力尋潮背日伺洄鱗貝闕夜移鯨失色纖纖粉簫
馨香餌綠鴨迴塘養龍水含冰漢語遠於天何由迴作
金盤死

增詞漢虎賁郎射鳥詞曰鳥鳥啞啞引弓射洞左腋陞
下壽萬年臣爲二千石

增篇明徐渭射雁篇曰去年射雁黃浦口三軍進酒齊
爲壽今年射雁復何處海舶停沙大桅豎君本臨洮豪
傑士漢時六郡良家子作客羞爲堂下人射生慣落雲
中羽腰間束矢插兩房連年驅賊如驅羊轅門待士近
不薄朝來歸興何洋洋丈夫有遇有不遇去留之間向
誰語

原賦魏應瑒馳射賦曰於是陽春嘉日講肄餘暇將逍
遙於郊埜聊娛遊於騁射延賓鞠旅星言夙駕樹應鞞
於路左建丹旗於表路羣駿籠於衡首咸皆腰裏與飛
兔爾乃結翻仵齊倫匹良樂授馬孫臆調馭籌算克明
班次均壹左攬繁弱右接淇衛控滿流睇應弦飛碎旂
動鼓震譟聲雷潰重破累礮流景倏忽紛紜絡繹次授
二八驂騶激騁神足奔越終節三驅矢不虛發進截飛
鳥顧摧月支須紆六鈞口讐七規觀者屏氣而傾竦咸

側企而騰移爾乃縈回盤厲按節和旋翩翩神厲體若
飛仙奕奕駢牡既佖且閑楊驪沛艾蠖畧相連 周庾

信三月三日華林園馬射賦并序于時玄鳥司厯蒼龍
馭行羔獻冰開桐華萍合皇帝幸於華林之園千乘雷
動萬騎雲屯落花與芝蓋同飛楊柳共春旗一色乃命
羣臣陳大射之禮騶虞九節狸首七章於是選朱汗之
馬校黃金之埒紅陽飛鵲紫燕晨風唐成公之驕驍海
西侯之千里莫不飲羽銜竿吟猿落雁鐘鼓振地埃塵

漲天綵則錦市俱移錢則銅山合徙實天下之至樂景
福之歡欣者也賦曰歲次昭陽月在大梁其日上巳其
時少陽春吏司職青祗効祥徵萬騎於平樂開千門於
建章皇帝翊四校於仙園迴六龍於天苑華蓋平飛風
烏細轉帷宮宿設帳殿開筵傍臨細柳斜界宜年河湄
雜草渭口澆泉堦雲五色的暈重圓陽管既調春弦實
撫玉律調鐘金鐸節鼓於是咀銜拉鐵逐日追風並試
長楸之埒俱下蘭池之宮鳴鞭則汗赭入埒則塵紅變

三驅而畫鹿登百尺而懸熊禮正六耦詩歌九節弓如
明月對墉馬似浮雲向埒雁失羣而行斷猿求林而路
絕乃有六郡雄才五陵高選新迴馬邑之兵始罷龍城
之戰尚帶流星猶乘赤電始聽鼓而唱籌即移竿而標
箭熊耳刻杯浮雲畫壘水衡之錢山積織室之錦霞開
司筵賞至酒正杯來既而日下澤宮筵闌相圃悵從蹕
之留歡眷迴鑒之餘武 增唐陸贄聖人射落飛雁賦
曰彼雁于飛斜當禁掖帶輕雲之微素映遙天之晴碧

雖逢蒙之絕藝莫敢措心固離婁之明眸其纔能覲我
弓斯張我矢斯射算分數之遠近則捨拔而應鏑質毛
紛其已墜弦聲振猶未釋聞之者足蹈手舞覲之者目
駭心惕彼貫心稱妙穿葉無忤一則三年而後發一則
百步以爲約豈如料必中於飛動騁絕伎於廖廓雁以
遠而矢發矢既中而雁落異哉莫高者天戾天者飛彼
搏空之逸翰尚無所違矧荒服之逆命曷不咸歸則知
皇聖有作夷夏無間鄙楚莊之戲猿笑晉平之失鶚固

將威九垓而清八荒豈直落翔雲之一雁 獨孤綬漢

武帝射蛟賦曰有漢武徹惟時巡省窮楚之望極江之
永舳艫塞川旗甲蕩景洶洶旭旭虬盤龍騁駐清蹕則
洪波可遏赫皇靈則潛怪可怛何彼蛟之夭矯據積水
之空濶謂攸飛之劍莫前滅明之壁是奪天子乃戒無
譁於羽衛思有用於弦括命舟牧迴青翰而上詔弓人
奉烏號以登肅天儀以山立將親發以抗稜陰察變態
雄猜跨騰古冶之倫皆裂不敢擅其勇逢蒙之黨技癢

不敢專其能我矢則直我弦斯控持滿而英氣頓飛命
處而幽姿必中欵颼颼其電霍則頸禪而胸洞贊履者
鼓殷天之雷稱慶者躍如雲之衆始乎發若神兵爆其
有聲洪波雪湧白羽月傾突紫肉裂素纓餘怒蚘蟊上
浮泓澄踣質已靡於巨艦流血方走乎東瀛介以鱗莫
得捍七札之勁神之化不能保重泉之生萬靈震駭九
派徐清然後海若扈蹕陽侯洗兵山川肅其晏如雲霧
廓其四除涉者利乎涉漁者安乎漁於是左史趨進執

簡以書曰天子幸潯陽也親射蛟而獲諸遂翻龍旆韜
豹弭篙工奮棹歌起威厲乎斷白蛇氣雄乎絙青兕隘
秦皇之觀日追夏后之勤水且君以勝殘爲大臣以反
德爲害亦將制於穀中靖此宇內俾貫革之藝息垂衣
之道泰豈徒與射夫漁父校勇而論最路季登皇帝
冬狩一箭射雙兔賦曰若乃整鉤陳嚴羽衛星旄燭野
雲旗拂曉周長楊而爲陸屬甘泉以爲綴騁六龍而電
發顧雙兔而颺逝性免狡而不恭足輕迅而靡制爰從

聖射乃觀神藝鑿鑢却轉引柘月而隨圓金鏃斜飛疊
霜毫而俱斃既絕系而達臆亦洞胸而裂背岐陽之美
不獨稱於周王上林之雄未可論於漢帝 又曰飄勇

氣於蒼昊抗發威於白日激流電而指顧躡奔星而迅
疾疊穿兮彼免則雙捨拔兮我矢惟一彼更羸之絕藝
蒲且之妙術曾何足以擬議焉 喬潭破的賦曰飛衛

學射於逢蒙希其術窮搜董蒲白羽之箭獲燕角綠沈
之弓悵望隴雲徘徊朔風以爲隼必獲於墉上雀無全

於彀中於是乎擇素士張畫侯韜朱膊捍韋韞既垂橐
以弦弧亦啓箛而抽鏃內審其志外專其目釋思其平
去務其速落殘月於象弭飛明星於金散宜易易而獲
禽翻兢兢而失鵠乃杜門三年猶乎象人聽之以氣視
之以神秋毫如山蝨心如輪高其小物申以歲貢從容
君所無復命中不知矢之所加弦之所控引之而滿縱
之而送以無心爲心若夢不夢斯焉而發遽騁然而通
洞何據射楊葉百中賦曰於稽百氏爰得六藝射之

制伎之銳既取象於逢蒙且規模於飛衛寢石遇而洞
啓蹲甲徹而激勢於是眇牂牁之葉引解解之弓撥長
弣而累氣慮輕葉之搖風心與手兮冥合神與術兮元
同標的外準精和內融杯水凝而色粲粲金鏑擬而光
雄雄鳴弦激羽馳虛走空牢籠五善之奧總括百中之
工時稱絕技寔曰巧發貴乎揖讓賤乎矜伐豈直忘歸
貫星繁弱御月雁迸落於雲霄猿洞叫於巖樾而已哉
賈餗百步穿楊葉賦曰有美一人兮操其矢獻其藝

發茲手敏與彼心契廣場爰設砥平乎百步之中衆目
所瞻星流乎片葉之際恒規規而月滿乍肅肅而風厲
豈非妙歸至習道合惟精積少之多而無失以小觀大
而有程克中之時謨詬不能以施力造微之處離婁不
得以爭明然後知射也捨耳而任目外形而專意出乎
一札焉知來者之不如中乃百全勿慮前功之併棄由
是舍矢而破固葉是穿翻光而白雪馳羽振響而清風
激弦名加徹札術異攻堅非後來之居上信直道而無

偏楊弘貞貫七札賦曰善乎養由之爲弓也挾穿楊之技推貫金之誠左烏號兮右青莖睨七屬之甲收百中之名神馳手敏體正心平穎脫洞達鱗差混并旁穿而雀角非勁深入而蟲飛有聲觀夫蹲蛟函殼象弭量步遠邇迴眸徙倚指鏘鏘之鍊取中於茲狀累累之珠其端若彼是知弦木之用貫革爲先出一札而鋒銳自利踰百步而犀兕無全虛其中螳螂之衛徒設稽其數混沌之竅齊穿豈徒激白羽開月弦俾晉侯之禽自失

漢將之石彌堅且韃橐既啓美六材之定體決拾將臨
矜壹發於巧心是誇妙捷豈憚重深疑疊翮之摧頽猶
驚飲羽類縫裳之襞積尚謂紉針故稱矢無虛發藝得
專場考窮深之宜我將用直探破堅之理爾則乘剛方
今寰海鏡清皇明朗徹澤宮是選鯉首爲節望正鵠以
進旅奉弧矢之成列然後徹札之人庶驗其工拙 張
友正射已之鵠賦曰習射之妙惟精惟審其審也在無
偏無頗其精也在不食不寢是則動之不虛由已求諸

三侯張而六鈞始發一鵠中而百發如初月滿指掌星
飛庭除已因鵠修其德惟積鵠爲已任其射寧疎志氣
中秩威儀外舒正其身而有則有準合其奏而匪疾匪
徐原夫彼鵠父射爲父子射爲子並列其名各承其美
假以成績修之在已射不應而有善誰觀藝不臻而有
時奚俟心超超兮有歲魂怳怳兮無時非不慎乎規矩
逮恐失於毫釐周旋可託進退唯茲鏃破的兮流光散
出弦應手兮飛羽相追實此鵠之是念唯彼侯之敢思

白居易射中正鵠賦曰聖人弦木爲弧剡木爲矢惟

弧矢之用也中正鵠而已矣是謂武之經禮之紀故王者務以選諸侯諸侯用而貢多士將俾乎禮無秕稗位有降殺廣場闢而堵牆開射夫同而鐘鼓戒於以致國用修歲貢使技癢者出於羣藝成者推於衆在乎矢不虛發弓不再控射繹志也信念茲而在茲鵠小鳥焉取難中而能中乃設五正張三侯叶吉日於清晝順殺氣於素秋禮事展樂容修既五善而斯備將百中而是求

於是誠心內蘊壯容外奮升降揖讓合君子之令儀進
退周旋仰先王之彝訓故禮舉而義具且無聲而有聞
及夫觀者坐入射者挺立矢既挾弓既執抗大侯次決
拾指正則掌內必取料鵠乃彀中所及雕弧乍滿當晝
而明月彎彎銀鏑忽飛不夜而流星熠熠其一發也騁
若徹札其再中也攬若貫笠玉霜降而弓力調金氣勁
而弦聲急愜羣心而踴躍駭衆目而翕習若然者安知
不能空彎而雁落虛引而猿泣者也 元稹觀兵部馬

射賦曰大司馬以馳射而選才衆君子皆注目而觀藝
至張侯之所乃執弓而誓誓曰今皇帝製羽舞以敷文
德擇材官而奮武衛莫不以超乘者爲雄中鵠者得祭
用先才捷志亦和平豈獨武人之利實惟君子之爭射
者皆曰諾雖五善之未習庶一舉而有成爲是馬逸騃
騃士勇伾伾養銳氣候歌詩初聽采蘋之章共調白羽
次逞穿楊之巧忽縱青絲旁瞻突過咸懼發遲曾驥足
之展矣飜猿臂而射之揮弓電掣激矢風追方當耦象

決裂麗龜信候蹄而不爽則舍拔之無遺故司射舉旌
以効勝曰爾能克備我爵可期賈餘勇者宜乘破竹之
勢善量力者當引負薪之辭由是靡不爭先莫爲我後
皆曰措杯於肘十得其九叅明試者亦何嘗而不有破
的之術萬不失一凡獻藝者豈自疑於無必衝冠髮怒
揚鞭氣逸引滿雷砰騰陵飈疾皆窮百中之妙盡由一
孔而出若此則蹲甲壯藩揚解觀孔信一場之獨擅終
六轡之未總豈比夫浮雲迴度開月影而彎環如雨橫

飛挾星精而搖動雖當至理不忘庸功天子垂衣儼鵷
行於北闕夏官司馬閱騎從於南宮貢士之程職司具
舉會欵塞五方之俗觀校將百夫之主得雋爲雄惟能
是與客獨顧之而笑曰此蓋有司之拔萃固非吾君之
右汝我有筆陣與詞鋒可以偃干戈而息戎旅司文者
聞之而驚曰爾其自勵於爾躬吾將獻爾於王所王
起轅門射戟支賦曰矯矯呂公凜千載之英風立轅門
而耀威百夫之特射戟支而騁伎一矢稱雄所以解紛

爲智和難成功豈徒用壯於六鈞之妙務能於百步之
中當其劉氏興戎袁公結陣既禍拏而莫解亦兵纏而
屢振是用假我手弓救其血刃則萬夫駭目不在於和
容二憾革心必資乎中俊排其患難成彼宴私離坐離
立左之右之森森兩軍比晉楚衷甲之日桓桓二帥同
劉項舞劍之時是用出雄戟射小枝既從容而諭旨亦
慷慨而興辭乃曰射者所以明其志忠其質今欲轉禍
爲福反凶致吉若嗤同失鵠我藝自忝其疊雙僮妙等

麗龜爾心固宜乎如一乃展容耀示英威決拾既攸分
銖不違洸洸赳赳如翰如飛莫不矜其密殼釋此重圍
彼戟在門揭馬獨見立亭亭之直影引眈眈之英盼彎
弧而勢若月圓鳴矢而光如電炫觀之者心惕聞之者
膽戰固當靖難於五兵豈獨解顏於一箭蹲甲非敵措
杯不倫今在坐隅徒欲鬪勇而嗇禍儻居戰陣誰當左
馬而右人請懲忿於昔日願釋憾於茲辰 宋宋祁後
苑燕射賦曰執徐統歲少皞司秋月著授衣之今日紀

吹花之游司射謹官梓人庀具飾虎進侯張貍設步扉
崇旌以虹拖畫廣棚而雲布并夾并儲決拾相旅我物
孔陽我儀用光剡矢薦於夏箴彫弓出於扶桑采五施
而列暈歌九節而升堂萬乘來御羣心樂康弦隨月上
弓與天張捨拔則供應弦而中主皮劃其已徹勁羽飲
而猶動駭跋烏於日域震封狼於星冢皇衿免說協氣
雲蒸少府之賜錢流地庖人之割肉如陵軒霞蕃后盤
石宗英美發的之希代咸奉觴而造庭射之爲義是謂

觀禮外則審固而正躬內則雍容而繹志支左屈右之
能頃發口縱之異或合宴序賓或算多與祭公用隼而
射墉觀如牆而揚解中則得爲諸侯爭有似乎君子然
特人臣之善容未識我皇之射意若夫修五常爲弓矯
百度爲矢總黎獻以植的罄綿區而除位參天地之控
引順陰陽而張弛一發則英雄在弦虛撫則蠻夷斷臂
豈徒鵠取難中之名騶樂庶官之備

增雜文唐張說玄武門侍射詩序曰爾其射墉新成布

侯既設槊仗林立帷軒霧布衆官半酣皇情載悅卷珠
箔臨玉除唐弓在手夏箭斯發應弦屢中屬羽連飛弧
矢以來未之有也若夫天地合道星辰獻儀端視和容
內正外直自近而制遠耀威而觀德無不通神無不極
用是射也其惟聖人乎

增記明王守仁觀德亭記曰君子之於射也內志正外
體直持弓矢審固而後可以言中故古者射以觀德德
也者得之於其心也君子之學求以得之於其心故君

子之於射以存其心也是故躁於其心者其動妄蕩於其心者其視浮歎於其心者其氣餒忽於其心者其貌惰傲於其心者其色矜五者心之不存也不存也者不學也君子之學於射以存其心也是故心端則體正心敬則容肅心平則氣舒心專則視審心通故時而理心純故讓而恪心宏故勝而不張負而不弛七者備而君子之德成君子無所不用其學也於射見之矣故曰爲人君者以爲君鵠爲人臣者以爲臣鵠爲人父者以爲

父鵠爲人子者以爲子鵠射也者射己之鵠也鵠也者
心也各射己之心也各得其心而已故曰可以觀德矣
增判唐姜公復兵部試射判曰射以觀德樂以和聲將
選士於澤宮必張侯於相圃所以誓宗廟之賓客備饗
宴之威儀何忽武夫而要雅頌豈徒強飲強食勞祝史
之正辭采蘋采蘩令太常之踰局且五善之禮無赳赳
之武夫三耦之間盡呦呦之鳴鹿苟用捨而有異在格
令而無文責乃其不然乎訴之又益恥也

劉肱澤宮

置福判曰大聖嗣文明時偃武弧矢之利可以訓戎禮
容之規於焉觀德將因捨算是用求賢甲爲主司素非
達吏澤宮之制何昧周官相圃之儀旋乖魯典既而工
歌九夏庭列三侯決捨既欣於琯弓并夾則陳於揚矢
標名鹿兕或有國之前聞皮稱豹熊蓋王者之恒制語
而有訴雖以執禮爲詞闕而不供終當毀積之責請依
中典以勸無良 嚴迪張侯下綱判曰景遵狸步張是
熊侯地武苟合於舊儀下綱未踰於先制賓則有藝執

射多功舒卷寧懼於出正發縱每聞於破的彤弓既設
與明月而合規白羽纔飛狀流星而遂貫然而禮成揖
讓不獨主皮徒矜袒決之容未覩奠豐之事作而非法
不足書能人而無儀誠須寘罰

御定淵鑑類函卷三百二十四

謹案第二十一頁後六行不中留決闕刊本決訛

史據英雄記改



總校官庶吉士臣張能照

校對官編修臣裴謙

謄錄舉人臣董凝極